

## Awadhi Easy-to-Read Version

Language: अवधी (Awadhi)

Provided by: Bible League International.

Copyright and Permission to Copy

Taken from the Awadhi Easy-to-Read Version © 2005 by Bible League International.

PDF generated on 2017-08-25 from source files dated 2017-08-25.

a1ae5774-2ca2-500b-8aeb-2c74229c4519

ISBN: 978-1-5313-1308-1

मरकुस  
रचित सुसमाचार

ईसू क आवइ क तइयारी

(मत्ती ३ :१-१२ ; लूका ३ :१-९,  
१५-१७ ; यूहन्ना १ :१९-२८)

१ परमेस्सर क पूत ईसू मसीह क सुसमाचार \*क सुरुआत । २ जइसा अगवा होई, यसायाह नबी क किताब मँ लिखा अहइ : उ कहेस, “सुन ल्या! मई (परमेस्सर) अपने सहायक †क तोसे पहिले पठवत अही । उ तोहरे बरे रस्ता बनाई ।” †

३ “एक ठु मनई के किल्लाय क अवाज उसरे मँ सुनि लीन्ह :

“पभूँ क बरे रस्ता बनवा

अउर सोझ रस्ता तइयार करा ।” ‡

४ यूहन्ना उसरे मँ बपतिस्मा देत आइ । उ लोगन स बपतिस्मा लेने क कहेस कि उ आपन मनफिराव क दिखा सकई । अउर ओनके पापन्क छुमा होइ । ५ यरूसलेम अउ यहुदिया देस क सब जने ओकरे निअरे गएन । जइसे उ सब आपुन्हि पापन्क कबूलेन्ह, उ सब यरदन नदिया मँ ओसे बपतिस्मा पाएन ।

६ यूहन्ना ऊँटन्क बारेन्स बनवा बस्तर पहिरत रहा, अउर करिहाउँ प खालि क पेटी बाँधत रहा । उ टिड्डन्क अउर जंगली सहइ खात रहा ।

७ उ इ बात क प्रचार करत रहा : “मोरे पाछे मोसे जिआदा एक ठु बरिआर मनई आई । मई एतना जोग्य नाही कि ओकरे सोझे खड़ा होइके अउर निहुरिके ओकरे बधियउरी क फीता तलक खोलि सकउँ । ८ मई तू पचन्क पानी स बपतिस्मा देत अही मुला उ तू पचन्क पवित्रर आतिमा \*\*स बपतिस्मा देई ।”

ईसू बपतिस्मा लिहेस

(मत्ती ३ :१३-१७ ; लूका ३ :२१-२२)

१ उ समइ ईसू नासरत स गलील आवा । हुवाँ यूहन्ना रहा । ईसू ओसे यरदन नदिया मँ बपतिस्मा लिहस । २ जइसे ही पानी स बाहेर आवत रह, उ खुला भवा अकास देखेस । अउर पवित्रर आतिमा कबूतरे क नाई ओह प उतरी । ३ फिन अकासबानी भइ : “तू मोर पूत, जेहका मई पियार करत हउँ । मई तोहसे बहोत खुस हउँ ।”

ईसू क परीच्छा लीन्ह गइ

(मत्ती ४ :१-११ ; लूका ४ :१-१३)

१ तब तुरंतहि आतिमा ईसू क उसरे मँ पठएस । २ अउ उ उसरे मँ चालीस दिन तई रहा । उहइ समइया मँ सइतान ओका भरमावत भवा रहा । हुवाँ ईसू जंगली जनावर क संग रहा । जहाँ सरगदूतन आइ क ओकर सेवा किहेन ।

ईसू कछू चेलन क चुनेस

(मत्ती ४ :१२-१७ ; लूका ४ :१४-१५)

१ ओकरे बाद यूहन्ना जेली मँ धाँध दीन्ह गवा । फिन ईसू गालील मँ गवा अउर परमेस्सर क सुसमाचार क प्रचार करत रहा । २ उ कहेस, “समइ पूरा होइ गवा परमेस्सर क राज्य नगिचे अहइ । सब जने मनफिरावा अउर सुसमाचार मँ बिसवास करा ।”

ईसू कछू चेलन क चुनेस

(मत्ती ४ :१८-२२ ; लूका ५ :१-११)

१ जब ईसू गलील झील क निअरे स होइ के जात रहा । उ समौन ††अउर समौन क भाई अन्दिरयास क निहारेस । उ दुइनउँ मछुआरा रहेन, एह बरे उ सब जलिया क झीले मँ डारत रहेन । २ ईसू ओनसे कहेस, “आवा, अउर मोरे पाछे आवा । मई तू पचन क कइसे मनई बटोरा जात

\*१ : सुसमाचार परमेस्सर लोगन्क बरे रस्ता तइयार करेस ह कि ओनके पापन्क छुमा कइ दीन्ह जाइ अउ उ सब परमेस्सर क संग रहइ लागई ।

†१ : नबी उ जउन परमेस्सर क बरे मँ बताएस, अउ अगवा क होइ ओकरे बरे मँ भी कहेस ।

‡१ : सहायक सुसमाचार क लइ जाइवाला ।

††१ : उद्दूत मलाकी ३ : १

‡‡१ : उद्दूत यसायाह ४० : ३

\*\*१ : पवित्रर आतिमा परमेस्सर क आतिमा, ईसू क आतिमा सहायक । परमेस्सर अउर ईसू स जुरी भई जउन मनइयन मँ परमेस्सर क काम करत ह ।

†††१ : १६ समौन समौन क दूसर नाउँ पतरस रहा ।

हीं इ बात सिखाउब।” १८ तबहिं फउरन उ सब आपनि जालिन्ह क छाँड़ि दिहन अउर ओकरे पाछे आपन।

१९ तबहिं ईसू तनिक आगे झिलिया क तीरे चलत-चलत जब्दी क बेटवा याकूब अउर ओकर भाई यूहन्ना क निहारिस। उ सबइ आपन नाउ में आपन जालि क मरम्मत करत रहेन। २० उ तबहिं फउरन उ सबन्क बोलाँएस। एह बरे कि उ सबइ नाउ में आपन बाप जब्दी क छाँड़ि कइ ओके संग ओकरे पाछे आपन।

ईसू मनई क चंगा करेस जेह पर दुस्ट आतिमा सवार रही

(लूका ४ :३१-३७)

२१ ओकरे बाद उ पचे कफरनहूम गएन। फुन अगवा ईसू आवइवाला सबित क दिन आराधनालय में जाइके लोगन्क सिच्छा देइ लाग। २२ सिरिफ धरम सास्त्रियन क जानइवाला क तरह नाहीं मुला एक ठु मुड्ड क नाई सिच्छा देत रहा। एह बरे उ सब मनइयन ओकरे सिच्छा स अचरजे में पड़ि गएन। २३ ओनकर यहूदी पराथना सभा में एक ठू अइसा मनई रहा जेका दुस्ट आतिमा धरे रही। उ मनई चिचिअन अउर कहेस, २४ “मोसे तू का चाहत बाटचा, नासरत क ईसू ? का हम पचन्क बरिबाद करइ क आइ बाटचा ? मई जानत हउँ तू का अहा, तू अहा परमेस्सर क पवित्तर मनई !”

२५ मुला एह पइ ईसू पटकारेस, “खामोस रह, ओहका छाँड़िके चला आव।” २६ तबहिं दुस्ट आतिमा उ मनई क हिलाइस अउर खूब जोर स चिचिआन। फिन ओहमाँ स बाहेर आइ गइ।

२७ एहसे हर मनई अचरज में पड़ि गवा। सब मनइयन आपुस में पूछइ पछोरे लागेन, “हिआँ इ कावा ? इ मनई एक ठु नई सिच्छा देत बाटइ। उ मुड्ड गियान स सिखवत अहइ। उ दुस्ट आतिमा क हुकुम देत हय अउर उ पचे ओहका मानत हीं।” २८ एह बरे गलील अउ ओह के चारिउँ कइती ईसू क नाउं तुरंतइ फइल गइ।

ईसू ढेर मिला क चंगा कीहेस

(मत्ती ८ :१४-१७ ; लूका ४ :३८-४१)

२९ ईसू अउर ओकर चेलन आराधनालय तजि दिहन अउर सोझे याकूब अउ यूहन्ना क संग समीन अउर अन्दरयास क घरे गएन। ३० समीन क सास बोखारै स बिछुना प पहुडी रही। तउ उ सब तुरंतहिं ईसू क ओकरे बारे में बताएँन। ३१ तइसेन उ ओकरे नगिचे गवा। ओकर हथवा पकरि के ओका उठाएस। बोखार ओहका छाँड़ि दिहस अउर उ सबन्क सेवकाई करइ लाग।

३२ सूरज बूडे क बाद सांझ होइ जाए प उ सब लोग ढेर बेरमियन्क अउर जेनका दुस्ट आतिमन बियाधत रहा, ईसू क नगिचे लिवाइ लाएँन। ३३ अउर समूचा सहर दुओरे प जम गवा। ३४ उ तरह तरह क रोग स बेरमिया रहेन ओन सबन्क बेमारी स जरटुट किहेस अउर बहोत स दुस्ट आतिमन भगाय दिहस। उ दुस्ट आतिमन क नाहीं बोलइ दिहस, एह बरे कि उ सब ओहका जान गइन।

ईसू सुसमाचार सुनावइ क तइयारी करेस

(लूका ४ :४२-४४)

३५ बडे भिन्सारे जब मुँह अँधियार रहा, ईसू जागि गवा। ओकरे बाद घरवा स बाहेर अकेल्ले में अउर उजाड़े में गवा, हुवाँ उ पराथना करेस। ३६ पाछे समीन अउ ओकर साथी ईसू क हेरत-हेरत बाहेर गएन। ३७ उ पचे ओहका हेरि के ओसे कहेन, “हर मनई तोहका हेरत अहइ।”

३८ फिन ईसू ओनसे कहेस, “हमका दूसर क नगरन में जाइही चाही। तबहिं उ सबन ठउरन में मई उपदेस दइ सकत हउँ। एह बरे मई आइ हउँ।” ३९ अइसे उ गलील क सब ठउरन में ओनके आराधनालयन में उपदेस देत अउर संग दुस्ट आतिमा क भगावत रहा।

ईसू कोदी क चंगा कीहेस

(मत्ती ८ :१-४ ; लूका ५ :१२-१६)

४० फिन एक ठु कोदी ओकरे निअरे आवा अउर उ निहुरि क ईसू स बिनती किहेस, “जउ तू चाहा, तू मोका चंगा कइ सकत ह।”

११ :२१ सबित क दिन यहूदी हफता क सातवाँ दिन। इ यहूदियन क खास दिन धरम बरे अहइ।

११ :२१ आराधनालय हुवाँ यहूदी लोग इकट्ठा होइके आपन धरम सास्तर बाँटत रहेन अउ पराथना करत रहेन।

११ ओकर जिअरा दाया स भरि गवा। फिन उ आपन हथवा फइलावत ओका छुइके कहेस, “मई चाहत हउँ, तू नीक ह्वा।” १२ तबहिं फउरन ओकर कोद जरटुट होइ ग अउर उ नीक होइ ग।

१३ ईसू ओका जाइक बरे कहेस मुला ओका एक करी चिताउनी दिहेस, १४ “देखा, तू एँकरे बारे में कउनो स कछुहि जिन कह्या। फिन याजक क लगे जा अउर ओका आपन क देखावा। परमेस्सर क भेंट द्या जेह बरे तू नीक होइ गया। अउर जइसा मूसा क व्यवस्था बताएस, १५ जइसा आपन नीक होइ क भेंट द्या। जइसे इ एक सनद रहइ।” १६ फिन उ मनई चला गवा, अउर बेधइक बतावइ लाग अउर खवरिया क प्रचार करइ लाग। एँहसे ईसू अजादी स कस्बन में जाइ न सका। आखिर उ अकेल्लले में अउर उजड़े ठउरन में टिकइ लाग। सब मिला ठउर ठउर सा ओकरे नगिचे आवत रहेन।

ईसू लकुआ क मरीज चंगा कीहेस

(मत्ती ९ :१-८ ; लूका ५ :१७-२६)

१ कछू दिन पाछे, ईसू कफरनहूम फिन आइ गवा। तउ इ खबर फैलि गइ कि उ घरे में बा। २ एतना ढेर क मजमा ओका सुनइ बरे जमा भवा कि ओकर घरवा भरि गवा। हुआँ तिल धरइ क ठउर नाहीं रहा अउर दुआरे क बाहेर भी नाहीं रहा। उ मनइयन क उपदेस देत रहा। ३ कछू लोग लकुआ क रोगी क ईसू क निअरे लाएन। लकवा क रोगी का चार मनई लाद कर लावत रहेन। ४ पर उ लोग उ मनई का ईसू के पास न लाइ पायन काहेकि घरवा लोगन स भरा रहा। एह बरे जहाँ ईसू रहा, ओकरे ऊपर क छत्तिया प गएन अउर छत्तिया क खोदि के एक ठो धोंधका बनाएन। तबहिं उ पचे बिछउना इ तरखाले कइ दिहन, जेह प लकुआ क बेरमिया ओलरा रहा। ५ जब ईसू देखेस कि उ सब केतना गहरा बिसवास रखत हीं, उ लकवा क रोगी स कहेस, “बेटवा! तोहार पापन्क छमा कर दीन्ह।”

६ हुवाँ कछू धरम सास्त्रियन बइठा रहेन। उ पचे आपन आपन मनवा में गूँथत मथत रहेन। ७ “काहे इ मनई अइसे कहत बाटइ? उ परमेस्सर क दुरिआवत बाटइ। सिरिफ परमेस्सर क छाँड़ि क कउन पापन क छमा करी?”

८ ईसू आपन आतिमा में फउरन जानि गवा कि इ मन ही मन सास्त्रियन ओकरे बारे में का बिचारत अहइ। तउ ईसू ओनसे कहेस, “तू सब आपन जिअरा में इ सब काहे बिचारत अहा? ९ जिआदा असान का अहइ इ लकुआ क बेरमिया क कहब, ‘तोहार पापन्क छमा दइ दीन्ह’ या कहब, ‘उठा! आपन बिछउना उठावा अउर चला?’ १० मुला मई तोहका प्रमाणन देब कि मनई क पूत क भुइयाँ प पापन्क छमा करइ क हक अहइ।” फिन ईसू लकुआ क बेरमिया स कहेस, ११ “मई तोहका कहत अही, उठा। आप बिछउना उठावा अउर घरे जा।”

१२ एह पइ उ उठि गवा अउर आपन बिछउना हालि हालि उठाएस अउ मनइयन क देखतइ देखत उ बइठका स चल दिहस। एह बरे, उ सब अचरजे में पड़ि गएन अउर परमेस्सर क प्रसंसा किहेन “हम पचे अस जइसा कबहुँ न देखा।”

लेवी (मत्ती) ईसू क पाछे चलई लागा

(मत्ती ९ :९-१३ ; लूका ५ :२७-३२)

१३ एक दाई ईसू फिन उ झिलिया क तीरे गवा, हुवाँ ढेर मिला ओकरे पाछे होइ गएन। ईसू ओनका उपदेस दिहस। १४ जइसे उ झिलिया क किनारे जात रहा, चुंगी क उगहिया हलफई क बेटवा लेवी क निहारेस उ चुंगी घरे में बइठा रहा। ईसू लेवी स कहेस, “मोरे पाछे आवा।” तउ उ उठि खड़ा भवा अउर ओकरे पाछे गवा।

१५ उ दिना क बाद ईसू आपन चेलन क लइ के ढेर चुंगी क उगहियन अउर पापियन क संग राति क खइया खात रहा। जेहमाँ ओकर चेलन ढेर जने रहेन जउन ओकरे पाछे पाछे चले आएन। १६ जब फरीसियन क कछू धरम सास्त्रियन लखेन कि ईसू चुंगी क उगहियन अउर पापियन क संग जेवत रहा। उ पचे ईसू क चेलन स पूछेन, “उ काहे चुंगी क उगहियन अउर पापियन क संग जेवत अहइ?”

१७ ईसू अनकेस अउर ओनसे कहेस, “जउन हिट्ट पुट्ट मनई अहइ, का ओनका बैद्य चाही? मुला जउन बेरमिया अहइ, ओनका बैद्य चाही। मई धर्मी बरे नाहीं मुला पापियन लोगन्क बोलाँबइ आइ हउँ।”

ईसू दूसर धार्मिक नेतन स निराला  
(मत्ती ९ :१४-१७ ; लूका ५ :३३-३९)

१८ यूहन्ना क चेलन अउर फरीसियन लोग उपास करत रहेन। कछू मनइयन ईसू क लगे आइके पूछेन, “काहे बरे यूहन्ना क चेलन अउर फरीसियन क चेलन उपास धांस करत हीं, मुला तोहार चेलन काहे उपास नाहीं करतेन ?”

१९ एह पइ ईसू जवाब दिहस, “जब बियाह मँ बराती जब तलक ओनसे उपवास करइ क उम्मीद नाहीं कीन्ह जात। जब तलक दुल्हा ओनके संग अहइ दुल्हा संग रहत हीं जब तलक उ पचे उपास नाहीं करतेन। २० लेकिन समइ आई जबहिं दुल्हा ओनसे अलगाइ दीन्ह जाई अउर बराती दुखी रहि हीं। तबइ उ सब उपास रखिहीं।

२१ “केउ कउनो पुरान कपरा प बेसिकुरा नवा कपरा क पइबंद नाहीं लगावत। यदि उ अइसा करत ह, उ नवा कपरा क पइबंद पुरान कपरा क लई बइठत ह। अइसे फटा कपरा क खोंच अउर बढ जात हीं। २२ मनई कबहुँ पुरान मसकन मँ नई दाखरस भरतेन नाहीं। काहे नई दाखरस पुरान मसकन क फोरि देई। अउर ऐहसे नई दाखरस अउर मसकन बरिवाद होइ जइहीं। एह बरे मनई मई दाखरस क नई मसकन मँ धरत ह।”

कछू यहूदियन ईसू क नुकताचीनी किहेन  
(मत्ती १२ :१-८, लूका ६ :१-५)

२३ अइसा भवा कि ईसू सवित क दिन अनाजे क खेतन्से होत भवा जात रहा। अउर ओकर चेलन संग संग जात रहेन। ओकर चेलन जात जात अनाजे क बलिया खाइ बरे नोचेन। २४ फरीसियन देखेन अउर ईसू स कहेन, “देखा सवित क दिन ओ पचे काहे अइसा करत अहइ। अइसा करब इ दिन क व्यवस्था क माफिक नाहीं।”

२५ एह पइ ईसू ओनसे कहेस, “तू सबइ दाऊद क बारे मँ पढ़या ह कि उ का करेस ह। जब उ अउर ओकर साथी संगी क भूख लाग अउर ओनका खइया क जरूरत भइ ? २६ का तू पढ़या नाहीं कि जब अबियातार एक महायाजक रहा, तब दाऊद कइसे परमेस्सर क मन्दिर मँ गवा अउर चढ़वा मँ चढ़ी रोटी खाएस जउन परमेस्सर क चढ़ाई गइ रही। जउन मूसा क व्यवस्था क माफिक कउनो क बरे नाहीं मुला याजकन क खाइ क बरे रही।

दाऊद सबन्क कछू रोटिन्क दिहस जउन ओकरे संग रहेन ?”

२७ ईसू ओनसे कहेस, “सवित क दिन मनई बरे बनवा ग रहा, मुला मनई सवित क दिन बरे नाहीं। २८ एह बरे मनई क पूत सवित क पभू भी।”

ईसू सुखंडी हाथ क बेरमिया क चंगा किहेस  
(मत्ती १२ :९-१४ ; लूका ६ :६-११)

३१ एक दाई फिन ईसू आराधनालय मँ गवा। हुवाँ एक ठो मनई रहा जेकर हाथ सुखंडी होइ गवा रहा। ३२ कछू यहूदी अँखिया गड़ाइ के ईसू क निहारत रहेन कि का उ रोगी क सवित क दिन नीक करी। जदि गलती भए प ओका दोखी कहइ। ३३ ईसू सुखंडी हाथे क मनई स कहेस, “हिआँ खरा होइ जा जइसे सब जने तोहका निहारि सकइ।”

३४ तब ईसू ओनसे कहेस अउर लोगन पूछा, “सवित क दिन का करइ क नीक बाटइ ? या भलाई करब या बुराई ? का ई नीक बाटइ जीउ क बचाउब या मारब ?” जवावे मँ ईसू स उ पचे कछू नाहीं कहेन।

३५ उ गुस्सा मँ ओन पचन क देखेस। ओनके मन क कटोर भए स उ दुखी भवा। फिन उ मनई स कहेस, “आपन हथवा आगे कइती फइलाव।” उ मनई हथवा ईसू कइती फइलाएस अउर पहिले जइसा नीक होइ ग। ३६ तबहिं सबहिं फरीसियन हुवाँ स चल दिहन, अउर तुरंतहि हेरोदियन स मिलि के ओकरे खिलाफ जाल बिछावइ लागेन कि कइसे ओका जान स मारि सकिहीं।

बहोत लोग ईसू क पाछे चलेइ लागेन

३७ ईसू आपन चेलन क संग गलील छील गवा। गलील क बहुत स लोग ओके पाछे होइ लिहेन। ३८ बहुत स लोग यहूदिया, यरूसेलेम, इदूमिया अउर यरदन नदिया क पार क पहुँटा सूर अउर सैदा स आएन। ई मनइयन एह बरे आएन कि ओकरे काम क बारे मँ सुनि लिहन जउन उ करत रहा।

३९ भिड़िया क मारे उ आपन चेलन स कहेस, “एँक छोटकी नाउ तइयार करा, जेह बरे भीड़ ओका कुचर न डावइ।” ४० उ बहोतन क नीक किहेस इ नाते उ सब जेनका बेरामी रही, ईसू क छुवइ क बरे भिड़िया क धाकियावत भए रस्ता बनवत चला आवत रहेन। ४१ कछू मनई आपन

\*२ :१८ उपास आराधना अउ पराधना क खास समइ प बिन खाए पिए रहब या रोअइ क समइ प।

†२ :२५ दाऊद इस्राएल क राजा, मसीह क १,००० बरिस पहिले।

भीतर दुस्त आतिमन धरे रहेन। जब कबहुँ दुस्त आतिमन ओका निहारत रही, उ सबइ ओकरे सोझे दण्डवत करेन अउर चिचिआनिन, “तू परमेस्सर क पूत अहा!”<sup>१२</sup> मुला उ दुस्त आतिमन क करीं चिताउनी देत रहा, अइसा न बतावइ क उ कउन अहइ।

ईसू बारह प्रेरितन क चुनेस

(मत्ती १० :१-४ ; लूका ६ :१२-१६)

<sup>१३</sup> फिन ईसू पहाड़ी प गवा अउर उ ओनहीं मनइयन क बोलाएस जेका उ चाहत रहा। उ सब ओकरे लगे गएन।<sup>१४</sup> जेहमाँ स उ बारहु क चुनेस अउर ओनका प्रेरितन क ओहवा दिहस। उ ओनका एह बरे चुनेस कि उ सब ओकरे संग रहइँ अउर उपदेस प्रचार बरे बाहेर पठइ सकइ।<sup>१५</sup> अउर उ पचे दुस्त आतिमन क खदेरइ क हक रक्खइ।<sup>१६</sup> एहि तरह बारहु मनइयन क उ चुनेस ? समौन (जेका उ पतरस क नाउँ दिहस),<sup>१७</sup> जब्दी क बेटवा याकूब अउर यूहन्ना (जेकर नाउँ क वूअनरगिस दिहस, जेकर अरथ अहइ “गर्जन क बेटवा”),

<sup>१८</sup> अन्दिरयास,

फिलिप्पुस,

बरतुल्मै,

मत्ती,

थोमा,

हलफई क बेटवा याकूब,

तई समौन कनानी

<sup>१९</sup> अउर यहूदा इस्करियोती (जउन पाछे ओका धोखा दिहस)।

यहूदियन कहेन कि ईसू मँ सइतान बाटइ

(मत्ती १२ :२२-३२ ; लूका ११ :१४-२३, १२ :१०)

<sup>२०</sup> तब ईसू घरे गवा। एक दाईं फिन एक भारी भीर घेर लिहस। अइसा भवा कि ईसू अउर ओकर चलन खइया के नाहीं खाए पाएन।<sup>२१</sup> जबहिं ओकरे परिवारे क निअम्बर एकरे बारे मँ सुनि लिहन तबहिं उ सब ओका लँवाँवइ चलेन। इ सोचिके सब मनइयन कहत बाटेन कि ओकर मन टेकाने नाहीं।

<sup>२२</sup> यरूसलेम स आइ भएन धरम सास्तिरियन कहेन, “ओहमाँ बालजबूल (सइतान) घुसि ग अहइ। दुस्त आतिमन क सरदार क ताकत स उ दुस्त आतिमन क मनई स भगावत अहइ।”

<sup>२३</sup> ईसू ओन पचे क एकट्टइ बोलाएस अउर दिस्तान्त दइ के कहइ लाग, “कइसे सइतान मनई स सइतान क भगाइ देई ?<sup>२४</sup> यदि एक ठु राज्य मँ आपन खिलाफ फूट परि जाइ तउन उ राज्य टिक सकत नाहीं।<sup>२५</sup> यदि एक परिवार आपस मँ बँटि जाइ तउ उ बचि सकत नाहीं।<sup>२६</sup> यदि सइतान खुद आपन खिलाफ होइ जाइ अउर फूट डारी तउ उ बचि पावत नाहीं। आखिर मँ उ बरिबाद होइ जाई।

<sup>२७</sup> “जदि कउनो बरिआर मनई क घरे मँ घुसिके लइके सब असबाब ढोइ सकत नाहीं ; जब तलक पहिले सब ते बरिआर मनई बाँध न देइ। तब इ उ घरवा क लूटि लेइ।

<sup>२८</sup> “मईं तोसे सच सच कहत अहउँ। लोगन्क हर किसिम क पापन अउ कच्ची पक्की बात जउन उ सब एक दूसर क बोलेन ह, उ सबन्क छमा कीन्ह जाइ सकत ह।<sup>२९</sup> मुला जउन पवित्र आतिमा क बेज्जती करी ओका छमा कबहुँ न होई। एकरे बजाय न खतम होइवाला पाप क उ भागी होई।”

<sup>३०</sup> एह बरे ईसू कहत रहा कि धरम सास्तिरियन कहत रहेन कि ओहमाँ दुस्त आतिमा सवार अहइ।

ईसू क चलन ओकर सच्चा परिवार

(मत्ती १२ :४६-५० ; लूका ८ :१९-२१)

<sup>३१</sup> तबहिं ईसू क महतारी अउर ओकर भाइयन आएन। उ सब बाहेर खरा भएन अउर कउनो एक क ओकरे निअरे बाहेर आइ क पठएन।<sup>३२</sup> ओकरे चारिहुँ कइँती भी बइठी रही। उ ओसे कहस, “देखा! तोहार महतारी भाइयन तोहका पूछत अहइँ।”

<sup>३३</sup> जवाबे मँ ईसू ओनसे कहस, “कउन मोर महतारी अउ कउन मोर भाइयन अहइँ ?”<sup>३४</sup> ईसू आपन क चारिहुँ कइँती बइठे मनइयन प देखिके कहस, “ई अबहिं मोर महतारी अउर मोर भाइयन।<sup>३५</sup> जउन परमेस्सर क इच्छा पूरी करी उ मोर भाई, बहिन अउर महतारी अहइँ।”

बिया बोवइ क दिस्तान्त

(मत्ती १३ :१-९ ; लूका ८ :४-८)

<sup>१</sup> फिन ईसू झील क तीरे उपदेस देइ लाग। ओकरे चारिहुँ ओर भारी भीर जमा होइ गइ। एँसे उ झील मँ डारी भई नाउ प जाइके बइठा। सभई लोग झील क तीरे धरती प टाइ रहेन।<sup>२</sup> उ ओनका ढेर कइ बतिया दिस्तान्त क संग सिकाएस। आपन उपदेस मँ कहस,

३ "सुन ल्या! एक ठु किसान आपन बिया बोवइ गवा। ४ जब उ बिया बोवत रहा कछू बिया राह क किनारे गिर गवा। चिरियन आइन अउर चुन लिहन। ५ कछू बिया पथरही भुमियाँ प गिरा, जहँ थोड़ माटी रही। हाली स अँखुवाइ गवा काहेकि माटी गहरी नाही रही। ६ जब सूरज निकरा, उ सबइ पउधन झुराइ गएन। जर न पकड़ि पवावइ क कारण कुम्हलाइ गएन। ७ अउर कछू बिआ काँटन मँ जाइ गिरेन। कँटही झाड़ी बाढ़ी अउर ओनका दहबोच लिहन। एँहमाँ दाना नाही पइदा भवा। ८ कछू बिया बढिया खेतन मँ बिखराइ गएन। इ बढिया खेतनमाँ जामेन, बाढ़ेन अउर दाना पइदा करेन। इ बिया तीस गुना, साठ गुना अउर हिआँ तलक कि सउ गुना फसल भइ।"

९ तबइ उ कहेस, "तोहरे पास जेकरे कान होइ तउ उ सुन लेइ।"

ईसू कहत ह उ काहे दिस्टान्त बइपरत ह

(मत्ती १३ :१०-१७ ; लूका ८ :९-१०)

१० फिन जब अकेल्ला रहा, तउ बारहू परेरितन अउर दूसर मनइयन ओकरे चारिहूँ कइँतौ रहेन, उ सबइ ओसे दिस्टान्त क बारे मँ पूछेन।

११ ईसू ओनसे कहेस, "तू सबन्क परमेस्सर क राज्य भेद बताइ दीन्ह। मुला ओनके बरे जउन बाहेर क अहइँ सब बातन दिस्टान्त दीन्ह गइ अहइँ। १२ एहू बरे,

'उ सब देखइँ अउर देखँतई रहा मुला कछू सुझइ नाही,

सुनि लेइँ अउर सुनतइ रहइँ, मुला कछू बूझाइ नाही।

नाहीं तउ, उ सब घूमि जाइँ

अउर छमा कइ दीन्ह जाइ।" १३

बिया बोवइ क दिस्टान्त क समझाउब

(मत्ती १३ :१८-२३ ; लूका ८ :११-१५)

१३ उ ओनसे कहेस, "का तू इ दिस्टान्त क समझ पउल्या नाही तउ अउ कउनो दिस्टान्त क कइसे समझ पउब्या? १४ बिया क बोवइया जउन बोवत ह, उ परमेस्सर क उपदेस अहइ। १५ कछू जने राहे क उ सब बिया क तरह अहइँ, जहाँ उपदेस बोइ गवा रहा। जब उ सुनत हीं, सइतान तुरंत ही आवत ह उ उपदेस क लइ जात ह, जउन बिया बोवा रहा।

१६ "कछू जने उ बिया क तरह अहइँ जउन पथरही धरती मँ बोएन। बिया जब उ उपदेस सुनत हीं, उ पचे फउरन उपदेस खुसी स अपनाइ लेत हीं। १७ लेकिन उ सब आपन मँ जर नाही धरतेन उ सब तनिक समइया मँ रह पावत हीं। पाछे जब उपदेस क कारण विपत आवत ह अउर खूबइ सतावा जात हीं उ पचे फउरन बिसवास खोइ देत हीं।

१८ "अउर दूसर मिला कँटही झाड़ी मँ बिया क बोवइ क तरह अहइँ। ई मनइयन उपदेस क सुनत हीं। १९ मुला जिन्नगी क चिन्ता धन, लालच अउर दूसर चीजन्क इच्छा ओनके मनवा मँ आवत ही उपदेस क दबोच लेत हीं। फिन ओन प फर लागत नाही।

२० "दूसर उ बिया क तरह अहइँ जउन बढिया भुइँया प बोइ ग अहइँ। ई पचे उ अहीं जउन बचन सुनत ही अउर अंगीकार करत हीं। ओन प फर लागत ह-कहुँ तीस कहुँ साठ अउर कहुँ सउ गुना या जिआदा।"

जउन तोहरे पास अहइ ओका बइपरा

(लूका ८ :१६-१८)

२१ फिन ईसू ओनसे कहेस, "का कहुँ दिया एहू बरे लियाइ जात ह कि एक खोरा या बिछुना क नीचे धरा जाइ? का एँका डिवटे प धरइ बरे नाही लिआइ जात? २२ अइसे अइसा कछू नाही गुप्त अहइ जेका छिपाइ क धरा जाइ अइसा कउनो रहस्य नाही जउन खुलि न सकइ। हर छिपाइ गइ बात खुलि के समन्नवा आई। २३ तोहरे पास जेकरे कान होइ तउ उ सुन लेइ। २४ धिआन घा जउन तू सुनत अहा। जउन नपना तू दूसर बरे बइपरत अहा, तउन नपना स तू नापा जाब्या। लेकिन तोहरे बरे कछू अउ जोरि दीन्ह जाइ। २५ जेकरे पास अहइ ओका अउर दीन्ह जाइँ अउर जे धरे नाही, जउनहुँ कछू धरे होइ ओसे उहइ लइ लीन्ह जाइ।"

बिया क दिस्टान्त

२६ फिन ईसू कहेस, "परमेस्सर क राज्य अइसा अहइ कउनो मनई खेतन मँ बिया छितरावइ। २७ रतिया मँ सोवइ अउर दिनवा मँ जागइ। बिया अँखुवाइ, इ सबइ बाढ़ई। उ जानत नाही, इ कइसे होत अहइ। २८ भुइँया खुदइ दाना उ पजाइ देत ह। पहिले अँखुवा, तब बाले फि बाले मँ समुचइ दाना। २९ जब दनवा पकि जात ह, तबहिँ फउरन

हसुआ काटइ बरे धरत ह । एह बरे कि फसल काटइ क अहइ ।”

रइया क दनवा क दिस्टान्त

(मत्ती १३ :३१-३२, ३४-३५ ; लूका १३ :१८-१९)

३० फिन ईसू कहेस, “मई कउने तरह बताई कि परमेस्सर क राज्य अइसे अहइ ? मई ओका समझावइ क बरे कउन स दिस्टान्त बइपरी ? ३१ उ सरसों क दाना क नाई अइसा अहइ । इ सबते छोट अहइ जब तू भुइँया मँ बोवत ह । ३२ जबहि तू ऐंका रोपि देत ह, इ बाढ़ छोटिके बगिया क पउधन मँ सब ते बड़वार होइ जात ह । एँहमाँ बड़ी बड़ी डारि आवत हीं । एँसे चिरिया आपन घोंसला छाया मँ बइठइ बरे बनावत हीं ।”

३३ एकरे तरह ढेर ठु दिस्टान्त स उ उपदेस दिहेस, जेतना उ पचे समझि सकत रहेन । ३४ ईसू उनसे बगइर दिस्टान्त क कछू नाहीं कहेस । मुला जब उ अकेल्ला मँ आपन चलन क संग अकेल्ला होत, उ सब बातन ओनसे खोलिके समुझाएस ।

ईसू बौँडर क रोक देत ह

(मत्ती ८ :२३-२७ ; लूका ८ :२२-२५)

३५ उ दिन जब सांझ भइ, ईसू ओनसे कहेस, “मोरे साथ झिलिया क ओह पार आवा ।”

३६ जइसेन ईसू अउर ओकर चलन भिरिया क छोटि दिहन अउर जउनी हालत मँ ईसू रहा, बइसेन ओहका चलन नाउ मँ लइ चलेन । हुवाँ दूसर नाउन ओकरे संग रहीं । ३७ एक ठु भारी बौँडर आवा अउर लहरन नाउन क धकियावत अउर नाउ क भीतर आवत रहीं । एँसे ओहमाँ पानी भरि जाइवाला रहा । ३८ लेकिन ईसू नाउ क पाछे भाग मँ तकिया लगाइ क सोवत रहा । चलन ओका जगाइन अउर ओसे कहेन, “हे गुरु, का तोहका धियान नाहीं बा कि हम पचे बूड़त अही ।”

३९ तबहि ईसू जागा अउर हवा क फटकारेस अउर लहरन स कहेस, “सान्त ! थमि जा !” तइसे बौँडर पटाइ गवा अउर खूबइ सान्ति आइ गइ ।

४० फिन ईसू ओनसे कहेस, “तू काहे डेरात बाटचा ? का अब तलक तोहका बिसवास नाहीं भवा ?”

४१ मुला उ पचे बहोतइ डराइ गएन अउर उ पचे आपस मँ एक दूसर स कहइ लागेन, “आखिर इ अहइ कउन बा कि आँधि अउर पानी ओकर हुकुम मानत हीं ।”

ईसू मनई क दुस्ट आतिमा स छोड़ॉवत ह

(मत्ती ८ :२८-३४ ; लूका ८ :२६-३९)

१ फिन उ सब झिलिया क ओह पार गिरासेनियान क देसे मँ पहुँच गएन । २ जब ईसू नाउ स बाहेर आवा, तबहि एक मनई जेहमाँ दुस्ट आतिमा रही, कबरे मँ स ईसू स फउरन भेटइ आइ । ३ इ मनई कब्रन मँ रहत रहा । अउर कउनो ओका बाँधि सकत नाहीं रहा, हियाँ तलक जंजीरउ नाहीं बाँधि सकेस । ४ जबहि ओकर गोड़वा बेड़ी अउर जंजीर स बाँधा जात, उ जंजीरिया क तोरि डारत अउ बेड़ियन्क चकनाचूर । कउनो ओका काबू मँ नाहीं लिआइ पावा । ५ कब्रन मँ अउर पहाड़ियन एकदम्मइ दिन-रात हर समइ उ चीखत चिचिआत रहा अउर आपन क पाथर स पीटत रहा ।

६ जब उ ईसू क दूर स देखेस, ओके निअरे धावा अउर ओकरे समन्वा दण्डवत करेस । ७-८ फिन बड़ जोर स चिचिआन अउर कहेस, “तू मोसे का चाहत ह, सबन ते ईसू सर्वोच्च परमेस्सर क पूत ? मोर बिनती अहइ तोहका परमेस्सर क सपथ कि तू मोका दंडन देइ ।” ईसू ओसे कहत रहा, “अरी दुस्ट आतिमा, तू इ मनई स बाहेर आवा ।”

९ तब ईसू ओसे पूछेस, “तोहार क नाउँ अहइ ?”

फिन उ ईसू स कहेस, “मोर नाउँ सेना अहइ, काहेकि हम बहोत स अही ।” १० उ मनई बार बार ओसे बिनती करेस कि उ पचेनक उ पहँटा स जिन निकारा !

११ हुवाँ पहाड़िया के पास सुअरन क झुंड चरत रहा । १२ दुस्ट आतिमन ईसू स कहत बिनती करेन, “हमका सुअरिअन मँ पठइ द्या, जेहसे हम ओहमाँ घुसि जाई ।” १३ तब उ ओनका हुकुम दिहेस । तबइ दुस्ट आतिमन मनई स बाहेर आइके सुअरिअन मँ गइँन । अउर उ झुंड जेहमाँ करीब दुइ हजार सुअर रहेन, ढलवाँ किनारे स नीचे कइँती लिदकत-पुदकत भागत परात झील मँ जाइ गिरा अउ बूड़ गएन ।

१४ जउन लोग सुअरिअन क रच्छा करत रहेन, पराय गएन उ पचे सहर अउर गाउँ मँ इ खबर फइलायन । अउर सब मनइयन देखइ आएन कि का भवा । १५ उ सब ईसू क नगिचे पहुँचेन । उ सब दुस्ट आतिमन क सवार भइ मनई प देखेन । उ कपरा पहिरे रहा अउर दिमागे स नीक होइ गवा । इ उहइ मनई रहा जेहमाँ बहुत स दुस्ट आतिमन क सवारी रही अउर उ सब डेराइ गएन । १६ जउन इ घटना क देखे रहेन उ मनइयन क नीके स



समुझाइन कि जेहमाँ दुस्त आतिमन क सवारी रही, अउर सुअरन क का भवा। १७ तब मनइयन ईसू स विनती करइ लागेन कि उ ओनके पहुँटा स चला जाइ।

१८ जइसे उ नाउ मँ चढ़इ लाग, तबहिं जउने मनई मँ दुस्त आतिमन आइ रही, ईसू स विनती संग जाइ बरे किहेस। १९ ईसू आपन संग जाइ बरे हुकुम नाही दिहस, लेकिन कहेस, “आपन लोगन्क बीच घरे जा अउर ओनका इ सब बतावा जउन पभू तोहरे बरे किहेस ह। अउर ओनका इ ही बतावा कि दया कइसे पभू करेस ह।”

२० तउ उ मनई चला गवा अउर दिकापुलिस क मनइयन क कहइ लाग कि केतना ढेरि क ईसू ओकरे बरे किहेस ह। एसे सब मनई अचरजे मँ पड़ि गएन।

एक ठु मरी लरिकी अउर बेरमिया  
स्त्री क जिन्नगी अउर चंगा करव  
(मत्ती ९:१८-२६; लूका ८:४०-५६)

२१ ईसू अब फिन झिलिया क उ पार गवा। ओकरे चारिहुँ कइती बहोत भारी भीर जमा होइ गइ। उ झिलिया क तीरे रहा। २२ तबहिं आराधनालय क अधिकारी जेकर याईर नाउँ रहा, हुवाँ आइ अउर ईसू क देखेस फिन ओकरे गोड़वा पर गिरि गवा। २३ वँइसे चिरउरी विनती करत कहेस, “मोर छोट बिटिया मरइ क अहइ। मोर विनती अहइ कि तू मोरे संग आवा अउर आपन हथवा ओकरे मूँडे प धइ द्या। एँसे उ नीक होइ जाइ अउर जी जाई।”

२४ तउ ईसू ओकरे साथे गवा। बहोत भारी भीर ओका पछुआवत रही, जेसे उ दबा जात रहा।

२५ हुवाँ एक ठु स्त्री रही, जेकर बारह बरिस स लहू जारी रहा। २६ उ बैद्ययन स दवाई करवावत करवावत बहोतइ तकलीफ उठाइस। उ सब कछू खरिच कइ डाइस जउन उ धरे रही। मुला उ तनिकउ जिआदा नीक नाही होत रही; ओकर हालत जिआदा बिगड़त जात रही।

२७ जइसे उ ईसू क बारे मँ सुनेस, वँइसे उ पाछे भिरिया मँ आइ अउर ओकर ओढ़ना छुइ लिहस। २८ आपन मानव मँ उ सोचत रही, “जदि मई ओकर ओढ़ना छुइ पाई तउ मई नीक होइ जाव।” २९ अउर तुरंतहिं खुनवा बहइ क जगह सुखाइ गइ। आपन तन मँ अइसा जानेस कि ओकर दिकदारी नीक होइ ग। ३० अउर ईसू फउरन महसूस करस कि ओसे सक्ति निकर गइ। उ भिरिया कइती चुमेस अउर पूछेस, “कउन मोर ओढ़ना छुएस?”

३१ ओकर चलन ओका बतएन, “तू देखत अहा कि भिरिया तोहका घेरित अहइ। यह पइ तू पूछत अहा, ‘कउन मोका छुएस?’”

३२ उ चारिहुँ कइती निहारत रहा कि कउन अइसा करेस ह। ३३ तब्बई एक ठु स्त्री इ जानत भइ कि ओहका का भवा ह, डर स काँपत आइ अउर ओकरे समन्वा गोड़वा प गिर पड़ी अउ उ सबइ सच सच कबूलेस। ३४ तबहिं ईसू ओसे कहेस, “बिटिया! तोहार बिसवास तोका बचाएस। चइन स रहा, अउर दिकदारी स बची रहा।”

३५ जब उ बोलतइ रहा याईर, आराधनालय क अधिकारी क घरे स कछू लोग आएन अउर ओसे कहेन, “तोहार बिटिया मरि गइ। अब गुरु (ईसू) क बेफजूल काहे क तकलीफ देत अहा?”

३६ ईसू अनकेस कि उ पचे का कहेन अउर आराधनालय क अधिकारी स कहेस, “डरा जिन, मुला बिसवास करा।”

३७ फिन ईसू सबन्क छाँड़िके सिरिफ पतरस, याकूब अउर याकूब क भाई यूहन्ना क संग लइके ३८ आराधनालय क अधिकारी क घरे गवा। उ निकारेस कि हुवाँ खलवली मची बाटइ। उ मनइयन क जोर स चिचियाब पुपुआब अउर रोवत देखेस। ३९ उ भीतर गवा अउर ओनसे बोला, “काहे का इ सब खलवली अउर रोउब पीटव? बचनी मरी नाही बा, उ सोवति अहइ।” ४० उ सब ओह पइ हँसेन।

ईसू सबन्क बाहेर खदेरेस। बिटिया क बाप, महतारी अउर जउन ओकरे संग रहेन, सिरिफ ओनका आपन संग रखेस। ४१ उ बिटिया क हथवा पकड़ेस फिन ओसे कहे, “तलीता कूमी” (अरथ अहइ “छोट बिटिया मई तोहसे उठइ क कहत हुँ।”) ४२ छोटवार बिटिया फउरन उठि गइ अउर एँहर ओहँर टहरइ लाग। (उ बिटिया बारह बरिस क रही।) सगतइ आलिम अचरज मँ पूरी तरह आइ गवा। ४३ ईसू ओनका कारा हुकुम दिहेस कि कउनो एँकरे बारे मँ पता न चलइ। फिन उ बोलेस कि उ बिटिया क कछू खइया क द्या।

ईसू क आपन सहर मँ जाव

(मत्ती १३:५३-५८; लूका ४:१६-३०)

१ फिन ईसू उ जगहिया छोड़ि के आपन सहर  
६ मँ आइ गवा। पाछे ओकर चलन भी गएन।  
२ जइसे सबित क दिन आवा, उ आराधनालय मँ  
उपदेस देइ लाग। जइसे उ पचे ओका सुनेन। ढेर  
क मिला अचरज मँ पड़ि गएन। उ सब कहेन, “इ  
मनई क कहाँ ते इ सब बातन मिलि गइन। इ

कइसी बुद्धि अहइ जउन एँका दीन्ह गइ अहइ । इ सइसा अद्भुत कारजन आपन हथवा स कइसे करत ह ?<sup>३</sup> का इ उहई बढई नाही, जउन मरियम क बेटवा अहइ अउर का इ याकूब, योसेस, यहूदा अउर समौन का भाई नाही ? का जउन हमरे संग हिआ बाटई, उ ओकर बहिनियन नाही ?” एहि बरे ओनका ईसू क मानइ में असमंजस होत रहा ।

ईसू तब ओनसे कहेस, “आपन जनम भूमि, आपन नातेदार अउर आपन परिवारे क छोड़ि के, एक नबी कतहुँ बेइज्जत होत नाही ।”<sup>४</sup> हुवाँ ईसू कउनो अद्भुत कारजन करेस नाही : बजाय एँके उ कछू बेरमियां प हथवा धइके ओनके चंगा कइ दिहेस ।<sup>६</sup> ईसू क ओनके बिसवास न भए पइ ओका अचरज भवा । तउ ईसू गाउँ गाउँ में उपदेस देत घूमत रहा ।

सुसमाचार परचार क बरे चलन क पठवत

(मत्ती १० :१, ५-१५ ; लूका ९ :१-६)

७ उ बारहु चलन आपन निअरे बोलाएस, अउर दुइ दुइ एकउट के पठवइ लाग अउर ओनका दुस्ट आतिमन प कब्जियावइ क कहेस ।<sup>५</sup> उ ओनका सुझाएस कि उ पचे जात्रा में लठिया छोड़िक कछू न लेई : रोटी नाही, बिछुना नाही अउर आपन बटुआ में पइसा हू नाही ।<sup>९</sup> उ सबइ बधियउरी पहिन सकत हीं मुला एक टु जियादा से बंडी भी नाही ।<sup>१०</sup> फिन उ ओनसे कहेस, “जउने घर में तू जा, हुवाँ तब तलक जगहिया न छोड़ा जब तलक तू नगर में रुका रहा ।<sup>११</sup> अगर कउनो जगह तोहार सुआगत न होइ अउर हुवाँ क मनई तोहका न सुनई तउ हुवाँ स तु चल द्या । आपन गोड़वा क धूर झाड़ द्या, जइसे ओनके खिलाफ सनद रहइ ।”

<sup>१२</sup> फिन उ पचे हुवाँ स बाहेर गएन । उ सबइ उपदेस दिहन कि उ पचे, मनफिरावइ ।<sup>१३</sup> उ सबइ ढेर दुस्ट आतिमन क भगाइ दिहन अउर ढेर बेरमियन क जैतून क तेले स मालिस करत नीक किहेन ।

हेरोदेस क बिचार ईसू यूहन्ना अहइ

(मत्ती १४ :१-१२ ; लूका ९ :७-९)

<sup>१४</sup> राजा हेरोदेस एँकरे बारे में सुनेस कि ईसू क नाउँ का जस हर कइती बिआपि गवा । कछू लोग कहत रहेन, “बपतिस्मा देइवाला यूहन्ना मउत स

जी गवा, अउर इहि कारण अद्भुत कारजन सकित काज करति अहइ ।”

<sup>१५</sup> अउर लोग कहत रहेन, “उ ईसू एलिय्याह \*\*अहइ ।”

अउर मनई कहत रहेन, “इ नबी अहइ की ईसू पुराने जमाने क नवियन क नाई एक टु नबी अहइ ।”

<sup>१६</sup> जब हेरोदेस इ सुनेस, उ कहेस, “यूहन्ना जेकर मई गटइया कटवाएउँ ह, उ मउत स उठि गवा ।”

बपतिस्मा देइवाला यूहन्ना क कतल

<sup>१७</sup> हेरोदेस अपुनहि यूहन्ना क जेलिया में बंद होइ क अउर ओका गिरफतार होइ क हुकुम दिहेसि । आपन भाई फिलिप्पुस क पत्नी हेरोदियास क कारण जेहसे उ बियाह करेस, उ अईसा कइ डाएस ।<sup>१८</sup> यूहन्ना हेरोदेस स कहत रहा कि इ तोहका सोहत नाही कि तू आपन भाई क पत्नी स बियाह किहा ।<sup>१९</sup> हेरोदियास यूहन्ना क खिलाफ मनवा में डाह राखत रही अउर ओका मारइ चाहत रही, मुला ओका मार पावत नाही रहा ।<sup>२०</sup> अइसे हेरोदेस यूहन्ना स डेरात रहा अउर ओका मालूम रहा कि यूहन्ना सही अउर पवित्तर क मनई अहइ । एह बरे उ रच्छा करत रहा । हेरोदेस जब यूहन्ना क बारे में सुनत रहा तउ उ जिआदा अकुलाइ जात रहा । तउने प ही ओका यूहन्ना क बारे में बातन सुनइ क सोहाँत रहा ।

<sup>२१</sup> तबहिं संजोग स बढ़िया अउसर आवा । हेरोदेस आपन जन्मदिन पइ बड़वार अधिकारी, आपन सेना क नायक अउर गलील क बड़े लोगन क भोज दिहस ।<sup>२२</sup> अउर जब हेरोदियास क बिटिया भितरे आइके नाचेस । ओसे उ हेरोदेस अउर भोज में आए मेहमनवन क रिझाइ लिहेस । यह पइ राजा हेरोदेस लरकीवा स कहेस, “जउन तू चाहा तउन माँग ल्या । मई तोका जरूर देब ।”<sup>२३</sup> राजा ओका अकेल्ले सपथ खाइके कहेस, “जउन तू माँगा मई तोहका जरूर देब । हियाँ तक आपन राज्य क आधा हींसा ।”

<sup>२४</sup> इ सुनि के उ आपन महतारी क निअरे गइ अउर कहेस, “मोका का माँगइ चाही ?”

तउने प महतारी कहेस, “बपतिस्मा देइवाला यूहन्ना क मूँड़ी माँगा ।”

§६ :१४ हेरोदेस अरथ अहइ हेरोद अंतिपस, गलील अउ पेरिक क सासक अउ महान हेरोद क बेटवा ।

\*\*६ :१५ एलिय्याह मनई जउन ई. पू. ८५० भवा रहा अउर परमेस्सर क बारे में लोगन्क बताएस ।

२५ अउर उ लरिकी फउरन राजा क नगिचे भीतर गइ अउर पूछेस, “मोका चाही कि तू ताबड़तोर वपतिस्मा देइवाला यूहन्ना क मूँड टाठी में धइ या।”

२६ एँसे राजा क बहोत दुःख भवा। मुला एह बरे ओकर सपथ अउर भोजे प मेहमनवन क कारण उ ओका मना करब नाही चाहेस। २७ तब राजा झटपट एक ठु जल्लाद ओकर मूँड काटि लिआवइ क पठाएस। उ गवा अउर जेल में ओकर मूँड काटि लिहस। २८ फिन ओकर मुँडावा काट कइ टाठी में लइ आइ अउर बिटिया क दिहस। उ एँका आपन महतारी क दिहस। २९ जब यूहन्ना क चेलन एँकरे बारे में सुनेन तउ उ पचे आएन अउर ओकर ल्हास उठाएन अउ कब्र में धइ दिहन।

ईसू पाँच हजार स जिआदा मनई क खियाएस

(मत्ती १४ :१३-२१; लूका

९ :१०-१७; यूहन्ना ६ :१-१४)

३० ईसू क चारिहुँ कइती सुसमाचार क पूरचार करइवाले परेरितन ईसू क पास जमा भएन। जउन उ पचे किहेन अउर सिखाएन सब कछू बताएन। ३१ तब ईसू ओनसे कहेस, “तू पचे खुदइ मोरे संग एकांत जगहिया में आवा अउर तनिक आराम करा।” फिन हुवाँ बहोत मनई क आउब जाब लाग रहा। एँसे उ सब खाइ क समइ नाही पाएन।

३२ एह बरे उ सब मिलिके खुदइ नाउ स एकांत जगहिया में गएन। ३३ मुला बहोत जने ओनका जात भवा देखेन अउर पहिचानेन कि उ सब कउन रहेन। इ कारण उ लोग सबहिँ सहरन स हुवाँ धरतिया प धावत गएन अउर उ पचे ओनसे पहिले पहुँचेन। ३४ जबहिँ ईसू नाउ स उतरा, उ एक भारी भीर देखेस। तबहिँ उ ओनके बरे दुःखी भवा, इ कारण कि उ सबइ बिना गइरिया क भेड़ नाही रहेन। अइसे उ बहोत बातन सिखावइ लाग।

३५ तब तलक साँझ होइ गइ। एह बरे ओकर चेलन ओकरे नगिचे आएन अउर बोलेन, “इ एकांत जगह अहइ अउर दिनवा ढरि ग अहइ। ३६ मनइयन क पठवा, जइसे उ पचे नगिचे खेतन अउर गाउँन में जाइ सकइँ अउ आपन बरे कछू खाइके बेसहिँ लेइँ।”

३७ मुला जवाबे में ईसू ओनसे कहेस, “तू ओनका कछू खाइके या।”

उ सब ओहसे कहेन, “का हम पचे जाई अउर दुई सौ दीनार <sup>††</sup>क बराबर रोटी बेसही अउर ओनके खाइ क बाँटी?”

३८ ईसू ओनसे कहेस, “केतनी रोटी तोहरे पास अहइ? जा अउर देखा।”

जब उ पचे पता पाएन, उ पचे कहेन, “हमरे पाँच ठु रोटी अउर दुइ मछरी अहइँ।”

३९ फिन ईसू चेलन क हुकुम देहेस, “हर एक क हरिअर घसिया प पंगत में बइठइ बरे कहा।”

४० तबहिँ उ सब सउ सउ अउर पचास पचास क पंगत में बइठ गएन।

४१ तइसेन ईसू पाँच रोटीन्यक अउर दुइ मछरिनक उठाइ के सरग क ओर निहारत भवा धन्यवाद दिहेस अउर रोटीनक तोड़ेस। उ आपन चेलन क ओनका बाँटइ बरे दिहस।

४२ उ सबइ भरपेट खाएन अउर उ सबइ अघाइ गएन। ४३ ओकरे बाद उ सब रोटी अउर मछरी क बचा भवा बाहर टुकरन क झउआ में उठाएन।

४४ पुरुसन क गनती जउन खइया क खाएन पाँच हजार रही।

ईसू क पानी प चलब

(मत्ती १४ :२२-३३; यूहन्ना ६ :१६-२१)

४५ फिन तुरंत ईसू आपन चेलन नाउ में बइटाएस जेहसे उ सबइ जब भिरिया क बिदाई पहिले झील क ओह पार बैतसैदा चला जाई।

४६ ईसू भीर क बिदाई क बाद पहाड़ी प पराथना बरे गवा।

४७ जब साँझ भइ, नाउ झिलिया क मँझधर में रही अउर उ भुइयाँ प अकेल्ले रहा। ४८ उ ओनका नाउ खेवत क मुसीबते में देखेस, काहेकि हवा ओनके खिलाफ बहत रही। लगभग तीन स छ बजे क समइ भिसारे उ ओनके निअरे झिलिया प चलत आवा। जइसे हि ओनके निअरे स जाइ क भवा, ४९ उ पचे ओका पानी प चलत भवा निहारेन। उ सब अंजाद लगाएन कि कउनो बड़वार दुस्ट आतिमा अहइ। एँसे उ पचे डेरात भए चिचिआनेन। ५० मुला उ पचे ओका निहारेन अउर उ सब ससाइ गएन। तुरंतहिँ उ ओनसे बोला, “हिम्मत रखा। इ मई हँ उँ जिन डेराअ।” ५१ फिन उ ओनके संग नाउ प चढ़ि गवा, तब आँधी पटाइ गइ। एँसे उ सबइ अचरज में पड़ि गएन। ५२ उ पचे रोटीयन क अद्भुत कारज क बारे में समझ पाएन नाही। ओनके दिमाग कठोर होइ गवा।

†† ६ :३७ सौ दीनार एक ठु दिन की मजूरी क बराबर पइसा।

ईसू बहुतेन बेरमियन क नीक किहेस

(मत्ती १४ :३४-३६)

५३ जब उ सब झील पार कइ लिहन तउ गन्नेसरत क घाटे प आएन अउर नाउ क बाँध लिहन । ५४ जबहिं उ पचे नाउ क छोड़ि क उतर आएन, मनइयन ईसू क पहिचान लिहन । ५५ उ पचे समूचे पहटा मँ भागत फिरन अउर बेरमियन क बिछुउना प जहाँ कहुँ उ पचे सुनेन कि ईसू हुवाँ बा, लादि क लइ जाइ लागेन । ५६ जहाँ कहुँ उ गाउँ मँ कस्बन मँ या खेतन मँ जात रहा, उ पचे आपन बेरमियन क हाटन मँ बइटाइ देतेन अउर उ पचे ईसू स बिनती करतेन कि उ आपन ओढ़ना क एक हीसा छुअइ दे । अउर सबइ जउन एँका छुएन नीक होइ गएन ।

परमेस्सर क व्यवस्था मनई क नियम ते बड़ा अहइ

(मत्ती १५ :१-२०)

१ तबहिं कछू फरीसियन अउर कछू धरमसास्त्रियन जउन यरूसलेम स आएन ओनके चारिहुँ कइती एकट्टा भएन । २ अउर उ सबइ ओनके कछू चलन बिना साफ किए हथवा स खात देखेन । (बिना साफ किया स मतलब इ अहइ कि उ पचन फरीसियन क बताए भए तरीके स हथवा नाही धोवत रहेन ।) ३ फरीसियन अउर दूसर यहूदियत खाइका नाही खातेन जब तलक उ सबइ आपन हथवा क पूर्वजन क रीति स न धोइ लेई । ४ इहइ तरह उ सब बजारे स खाइ क बरे लावा भवा कउनो चीज तब तक नाही खातेन, जब तलक ओहका खास तरीके स न धोइ लेई । इहइ तरह अउ बहोत स रितियन अहइ, जेका उ सबइ करत आवत हई जइसे खोरा, गगरी, ताँवा क बासन अउर गद्देदार कुर्सी क धोउव ।

५ एह बरे फरीसियन अउर धरम सास्त्रियन ओसे पूछेन, “काहे तोहार चलन पूर्वजन क रीतिन्क करतेन नाही, मुला आपन मइले हाथन स खइया क खात ही ?”

६ ईसू ओनसे कहेस, “यसायाह तू जइसे कपटिन क बारे मँ पहिले भविस्सबाणी कइ दिहस, जइसा कि लिखा बाटइ :

‘इ मनइयन ओठवा स मोर इज्जत करत हीं मुला ओनके मनवा ओसे दूर अहइ ।’

७ मोका एनकर उपासना अर्पित अहइ बिना काम क अउर इ सबइ बेकार उपासना करत हीं । काहेकि इ सबइ लोग मनई क बनए सिद्धान्त अउर नेम काहे कइके सिखावत हीं ।” ८

९ तू पचे परमेस्सर क आदेस न उठाइ क एक कइती थइ दिहा अउर मनई क रीतिन्क परिपाटी क सहारा लइके चलावत अहा ।”

१० ईसू ओनसे कहेस, “तू आपन पचन क बहोत चलाक समझत अहा । तू परमेस्सर क आदेसन ऐहि बरे टारइ चाहत ह, जेहसे आपन रीतन्क चलाइ सका । १० उदाहरण बरे जइसे मूसा कहेस, ‘आपन महतारी बाप क इज्जत द्या ।’ ११ अउर ‘जउन मनई महतारी बाप क बुरा भला कहइ ओका मार डावा ।’ १२ तू पचन सिखावत ह, ‘जदि कउनो मनई महतारी बाप स कहत ह कि मोरे जेहि चीज स तोहका फायदा मिल सकत ह, उ परमेस्सर क दइ दीन्ह ।’ १३ तउ तू ओनकर महतारी बाप बरे कछू करइ क मना करत ह । १४ इ नाई तू आपन रीति रिवाज स परमेस्सर क बचन क बेकार बनइ देत ह, अउर अइसी बहोत स बातन तू करत ह ।”

१५ ईसू फिन भिरिया क बोलाएस अउर ओनसे कहेस, “हर मनई मोरउ बात सुना अउर समझा । १५ अइसी कउनो चीज नाही जउन मनई क बाहेर स आवइ अउर ओका भीतर जाइके असुद्ध करइ । मुला जउन चीज मनई क भीतर स आवत हीं, उ ही ओका असुद्ध करत हीं ।” १६ \*

१७ फिन ईसू भीर क छोड़ि कइ घर गवा तउ ओकर चलन ओसे इ डिस्टान्त क बारे मँ सवाल करेन । १८ तब ईसू ओनसे कहेस, “का तू पचे कछू नाही समुझ पाया ? कउनो बात जउन बाहेर तँ मनई क भीतर आवत हीं, का उ ओका असुद्ध कइ सकी ? १९ एह बरे उ सोझाई मनई क हिरदइ मँ जात नाही । उ पेटवा मँ जात ह अउर इ गुह मँ होइ क निकर जात ही ।” (अइसा कहत उ सबइ खइया क चीजन्क सुद्ध कहेस ।)

२० अउर ईसू कहेस, “इ उही अहइ जउन मनई क हिरदइ स आवत ह अउर ओका असुद्ध करत ह । २१ मनई क हिरदइ स बुरा

८:७ :७ उद्धृत यसायाह २९ :१३

११:७ :१० निर्ग. २० :१२ ; व्यवस्था ५ :१६

११:७ :१० निर्ग. २१ :१७

\*७ :१६ कछू यूनानी प्रतियन मँ पद १६ जोड़ा गवा अहइ : “यदि कउनो क सुनइ क कान होई तउ सुन लेइ ।”

बिचार आवत हीं अउर अनैतिक करम, चोराउव, कतल करब, २२ व्यभिचार, लालच, दुस्तता, चाल चपेट, बेहदगी, जलन, चुगुलखोरी, घमण्ड अउर बेवकूफी २३ ई सब बुरी चीज भीतर स आवत हीं अउ मनई क असुद्ध बहइ देत हीं।”

ईसू गैर यहूदी स्त्री क मदद करत ह

(मत्ती १५ :२१-२८)

२४ ईसू उ जगहिया छोड़ि दिहस अउ सूर (सहर क नाउं अहइ) क आसपास क पहुँटा मँ गवा। हुवाँ उ एक घरवा मँ गवा अउर नाही चाहेस कि कउनो ओकरे आवइ क बारे मँ जानइ। मुला उ आपन क नाही छुपाए पाएस। २५ असिल मँ एक टु स्त्री जेके बिटिया क दुस्त आतिमा घेरि लिहै रही, ईसू क बारे मँ सुनिके फउरन ओकरे पास आई, अउर गोड़वा प गिर पड़ी। २६ इ यूनानी क स्त्री रही अउर सीरियाक फिनीकी मँ पइदा भइ रही। उ आपन बिटिया स दुस्त आतिमा भगावइ क ईसू स बिनती करेस।

२७ ईसू ओसे कहेस, “पहिले बचवन क अघाइ जाइ या। इ नीक नाही कि बचवन क रोटी छीन लेइ अउर कुकुरन क फेंक देइ।”

२८ तब उ ओका जबाव दिहस, “पभू! कुकुरन हु तउ मेजिया क तरखाले गिरा खइया क चूर चरावा खात हीं।”

२९ तब ईसू ओसे कहेस, “इ जवाबे क कारण तू आपन घर चइन स जाइ सकत ह। दुस्त आतिमा तोहरे बिटिया क छोड़ि दिहस।”

३० एँह पइ उ घर गइ अउर आपन बिटिया क बिछुउन प ओलरा पाइस तब तलक दुस्त आतिमा ओसे निकर गइ।

ईसू गुँगा अउर बहिरा क चंगा किहेस

३१ तब ईसू सूर क चारिहुँ कइँती स लौटि आइ अउर दिकापुलिस माने दस नगर क डगर स सिदोन जात भवा गलील झील डाइ गवा। ३२ हुवाँ कछू लोग ईसू क नगिचे एक मनई क लइ आएन जउन बहिरा रहा अउर मुस्किल स बोल पावत रहा। अउर उ पचे ईसू स ओह पइ हथवा धरइ क बिनती करेन।

३३ ईसू भिरिया स दूर एक कइँती लइ गवा। ईसू आपन अंगुरिया मनई क कनवा मँ डाइस। फिन उ कनवा मँ थुक कइ, ओकर जिभिया छुइस। ३४ उ सरग क निहारेस, गहरी संसिया भरेस अउर ओसे कहेस, “इप्फत्तह!” (अरथ अहइ “खुलि जा।”) ३५ अउर ओकर कनवन खुलि गएन अउर जिभिया

क गंठिया खुलि गइ। फिन उ साफ साफ बोलाइ लाग।

३६ ईसू ओनका हुकुम दिहेस कि कउनहुँ क न बतावई। जेतना जिआदा उ ओनका हुकुम दिहेस उ पचे ओतनइ जिआदा बताइन। ३७ उ सबइ लोग पूरपूर अचरज मँ पड़ि गएन अउर कहेन, “ईसू हर काम नीक करत ह। उ हियाँ तलक बहिरन क सुनइ क सक्ति देत ह अउर गुँगन क बोलावत ह।”

चार हजार स जिआदा मनई क ईसू खियाएस

(मत्ती १५ :३२-३९)

१ ओनही दिनन मँ दूसर अउसर प भारी भीर जमा होइ गइ अउर ओनके पास खाइ क कछू नाही रहा। उ आपन चलन क निअरे बोलाएस अउर ओनसे कहेस, २ “मोका इन मनइयन प तरिस आवत ह, अइसे कि उ पचे मोरे साथ पहिले क तीन दिनन स अहइ। ओनेके लगे खाइ क कछू नाही। ३ उ जदि मइँ ओनका घरे भूखा पठवत हउँ, उ सबइ राहे मँ मर बिलाय जइहीं। ओहमाँ स कछू तू डेर दूरी स आइ अहइ।”

४ अउर ओकर चलन जवाब दिहन, “इ जंगल मँ एनका खिआवइ क बारे कतहुँ का कउनो खूब खाइ क पाइ सकत ह, जेहसे एनका खियाइ दीन्ह जाइ?”

५ उ ओनसे पूछेस, “तोहरे पास केतनी रोटी अहइ?”

“सात टु” उ पचे जवाब दिहेन।

६ तब ईसू हुकुम दिहेस-भीर मइदान मँ बैठि जाइ। उ सात रोटी लिहस, फिन परमेस्सर क धन्यवाद दिहस। उ ओनका तोड़ेस। ओकरे बाद आपन चलन क बाँटइ बरे दिहस। अउर उ पचे भिड़िया क लोग क बाँटन। ७ ओनके लगे नान्ह नान्ह थोड़ी स मछूरी भी रही। अउर उ धन्यवाद दइके ओनका बाँटइ बरे कहेस।

८ मनइयन अघाइ गएन अउर बचा खुचा रोटी क टुकड़न स सात झउआ उ पचे एकट्ठा करेन। ९ हुवाँ करीब चार हजार पुरुसन रहेन। तब उ ओनका बिदा करेस। १० अउर तुरंतहिँ उ चेलन्क लइ क नाउ मँ बइठि के दलमनूता पहुँटा मँ गवा।

फरीसी ईसू क परिच्छा लेइ क कोसिस किहेन

(मत्ती १६ :१-४ ; लूका ११ :१६, २९)

११ फिन फरीसियन आएन अउर ओसे सवाल करइ लागेन। उ सब ओसे एक टु अदभुत कारज बरे कहेन। उ पचे ओका परखइ बरे अइसा किहन। १२ आपन मनवा मँ गहरी सांस भरत ईसू कहेस,

“काहे ई पीढ़ी क मनई अद्भुत चीन्ह चाहत हीं ? मई तोहका सच सच कहत हउँ। कउनो अद्भुत चीन्ह क पीढ़ी क न दीन्ह जाई।”<sup>१३</sup> तबहिं उ ओनका छोड़ि दिहस। फिन नाउ मँ बइठ गवा, अउर झील क उ पार गवा।

यहूदी नेतन क खिलाफ ईसू क चितावनी

(मत्ती १६ :५-१२)

<sup>१४</sup> ईसू क चलन खइया क जिआदा लइ आउब बिसर गएन। ओनके लगे एक ठु रोटी क बजाय कछू नाही रहा।<sup>१५</sup> ईसू ओनका चितावनी देत कहेस, “हुसियार! फरीसियन अउर हेरोदेस क खमीर स बचा रहा।”

<sup>१६</sup> “हमारे लगे एक ठु रोटी नाही इस प उ पचे आपुस मँ छानबीन करइ लागेन।”

<sup>१७</sup> उ सबइ का कहत अहइ इ जानत भवा ईसू ओनसे कहेस, “रोटी नाही होइ क कारण तू सबइ काहे सोचत बिचारत अहा ? का तू अबहुँ समझत बुझत नाही बाटचा ? का तोहार बुद्धि जइ अहइ ?<sup>१८</sup> तोहरे आँखिन अहइ, का तू देखि सकत्या नाही ? तोहरे कान अहइ, का तू सुन सकत्या नाही ? का तोहका याद नाही ?<sup>१९</sup> जबहिं मई पाँच रोटिन्क पाँच हजार मनइयन मँ तोड़िउँ। केतना झउआ रोटी क टुकड़न स भरा भवा तू बटोर्या ?”

उ पचे कहेन, “बारह।”

<sup>२०</sup> “अउर जबहिं मई सात रोटिन्क क चार हजार बरे तोड़यो। कइ झउआ रोटिन्क टुकड़न क तू बटोर्या ?”

उ सबई कहेन, “सात।”

<sup>२१</sup> तबहिं उ ओनसे पूछेस, “का तू पचे अबहुँ नाही बूझया ?”

ईसू आँधर मनई क चंगा किहेस

<sup>२२</sup> उ पचे बैतसैदा गएन। हुँवा कछू लोग ओकरे पास एक ठो आँधर पकड़ि ले आइन अउर उ सबइ ईसू स ओका छुअइ क बिनती करेन।<sup>२३</sup> उ आँधर मनई क हथवा पकड़ेस अउर ओका गाउँ क बाहेर लइ गवा। ईसू आँधर क आँखिन प थूकेस, “का तू कउनो चीज निहारत ह ?”

<sup>२४</sup> आँधर मनई निहारेस अउर कहेस, “मई मनइयन क देखात हउँ, उ सबई बिरवा क नाई आसि पासि चलत देखत अहइ।”

<sup>२५</sup> तबहिं ईसू आपन हथवा मनई क आँखिन प पुनि धरेस। फिन उ आपनि आँखिन पूरी पूरी खोलि

दिहेस। ओका आँखिन क जोती मिलि गइ। अउर उ सबहुँ क नीक-नीक निहारइ लाग।<sup>२६</sup> तब ईसू ओका घरे पठइ दिहस, इ कहत कहत, “गाउँ मँ जिन जा।”

पतरस कहत ह ईसू अहइ मसीह

(मत्ती १६ :१३-२० ; लूका ९ :१८-२१)

<sup>२७</sup> अउर ईसू अउर ओकर चलन कैसरिया फिलिप्पी क पड़ोसी गाउँन मँ चलेन। ईसू राहे मँ चलन स पूछेस, “लोग का कहत हीं कि मई कउन हउँ ?”

<sup>२८</sup> अउर उ सबई जवाब दिहेन, “बपतिस्मा देइवाला यूहन्ना। मुला दूसर कछू लोग एलिय्याह अउर दूसर कछू तोहका नबीयन मँ एक नबी कहत हीं।”

<sup>२९</sup> फिन उ ओनसे पूछेस, “तू का कहत ह मई कउन हउँ ?”

पतरस ओसे जवाब दिहेन, “तू मसीह अहा।”

<sup>३०</sup> तबहिं ईसू ओन चलन क चितावनी दिहेस, कि ओकरे बारे मँ कउनो स जिन कहइ।

ईसू द्वारा आपन मउत क भविस्सवाणी

(मत्ती १६ :२१-२८ ; लूका ९ :२२-२७)

<sup>३१</sup> अउर उ ओनका समझाउब सुरु करेस, “मनई क पूत क बहोत दुःख झेलइ पड़इ क होइ अउर बुजुर्ग यहूदी नेतन, मुख्ययाजकन अउर धरम सास्तिरियन स धकियाइ दीन्ह जाइ। अउर उ निहचइ ही मारि डावा जाइ अउर फिन उ तिसरे दिन जी उठी।”<sup>३२</sup> ईसू ओनका इ बात सच सच बताइ दिहस।

फिन पतरस ओका एक कइती लइ गवा अउर फटकारइ लाग।<sup>३३</sup> मुला ईसू पाछे घूमि के आपन चलन निहारेस अउर पतरस क फटकारि के कहेस, “सइतान! मोसे पाछे जा। परमेस्सर क बातन स तोहका कउनो मतलब नाही, मुला मनई क बातन्क तोहका मतलब अहइ।”

<sup>३४</sup> तब उ भीर क चलन संग निअरे बोलाएस अउर उ ओनसे कहेस, “जदि कउनो मोरे पाछे आवा चाहत ह तउ उ आपन सब कछू तजि दे। ओका आपन क्रूस उटाइ लेइ चाही अउर ओका मोरे पाछे होइ चाही।<sup>३५</sup> मुला जउन आपन जिन्नगी क बचावा चाहत ह, उ एका खोइ देइ। अउर जउन आपन जिन्नगी मोका अउर सुसमाचार बरे खोई उ एका बचावा चाही।<sup>३६</sup> अगर

<sup>१८</sup> :१५ खमीर खमीर सब्द क अरथ अहइ बुरा असर क रूप मँ।

कउनो मनई आपन आतिमा खोइ के समूची दुनिया लइ लेत ह, तउ ओसे का फाइदा ?<sup>३७</sup> अइसे कउनो मनई कउनो ठो चीज क बदले आतिमा नाही पाइ सकत ।<sup>३८</sup> जदि कउनो व्यभिचार अउर पापी पीढ़ी मँ मोर नाउँ अउर उपदेस क कारण समांत ह तउ मनई क पूत जब पवित्तर सरगदूतन क संग आपन परमपिता क महिमा लइ के आई तउ उहउ समाँड जाई ।”

१ अउर ईसू ओनसे कहेस, “मई सबन क सच सच बताउब, जउन हियाँ खड़ा अहई, ओहमाँ स कछू परमेस्वर क राज्य सक्ति क संग आवइ स पहिले देखिहीं अउर मरइ क अंजादन करिहीं ।”

मूसा अउर एलिय्याह क संग ईसू क दरसन देब

(मत्ती १७ :१-१३ ; लूका ९ :२८-३६)

२ छः दिना पाछे ईसू सिरिफ पतरस, याकूब अउर यूहन्ना सबक संग लइके एक ऊँच पवत प खुद गवा । हुवाँ उ ओनके समन्वा आपन भेस बदल लिहस ।<sup>३</sup> ओकर ओढ़ना चमचमाइ लागेन एकदम्मइ उजिअर । धरती प कउनो धोबी ओतना उजिअर ओसे जिआदा नाही धोइ सकत रहा ।

४ एलिय्याह अउर मूसा भी ओनके संग परगट भएन । अउर उ सबइ ईसू स बतियात रहेन ।

५ तब पतरस बोल उठा अउर ईसू स कहेस, “गुरु, इ भल भवा कि हम हियाँ अही । हमका तीन तम्बू लगावइ द्या, एक तोहरे बरे, एक ठु मूसा बरे अउर एक ठु एलिय्याह बरे ।”<sup>६</sup> पतरस इ एह बरे कहेस जइसे उ जानत नाही रहा कि उ का बोली । इ तरह उ पचे डेराइ गएन ।

७ एक बादर आवा अउर ओनका आपन छाया स ढाँकि लिहस । बदरा स एक आवाज कहत भइ होइ गइ, “इ मोर पियारा पूत अहइ । ओका सुना ।”

८ अउर फउरन उ पचे चारिहुँ कइती निहारेन । सिरिफ ईसू क छाँड़िके उ पचे कउनो क देखेन नाही ।

९ जइसे उ सब पहाड़ स तरखाले उतरत रहेन, ईसू ओनका हुकुम दिहस कि कउनो क न बतावइ जउन उ सब निहारेन ह, जब तलक मनई क पूत मरि गए लोगन्स जी न जाइ ।

१० अउर उ सबइ इ बतिया क आपन जिअरा मँ छिपाइ रहेन मुला उ सबइ आपुस मँ सोचत बिचारत रहेन कि “भरिके जी उठब” क अरथ का बाटइ ।<sup>११</sup> फिन उ पचे ईसू स पूछेन, “धरम

सास्तिरियन काहे कहत हीं कि एलिय्याह सबस पहिले आई ?”<sup>१२</sup>

१२ ईसू ओनसे कहेस, “हाँ! सब बातन क ठीक करइ बरे एलिय्याह सबन्स पहिले आवत ह । मुला इ काहे मनई क पूत क बारे मँ पवित्तर सास्तर अहइ कि उ बहोत स दुःख भुगुती अउर उ घिना स दुत्कार जाई ।<sup>१३</sup> मुला मई तू सबन क बतावत अही, एलिय्याह आइ चुका अहइ । जउन जउन उ पचे चाहेन, ओकरे साथ उ पचे वइसे किहन; जइसा ओकरे बारे मँ पवित्तर सास्तरन मँ बाटइ ।”

ईसू बेरमिया लरिका क चंगा किहेस

(मत्ती १७ :१४-२० ; लूका ९ :३७-४३a)

१४ अउर जबहिं उ सबइ दूसर चेलन क लगे आएन तउ उ पचे एक भारी भीर क जमघट ओनके चारिहुँ कइती देखेन कि धरम सास्तिरियन ओनसे तहतुक करत रहेन ।<sup>१५</sup> जइसे ही सब मनइयन ओका निहारेन, उ पचे विस्मय मँ पड़ि गएन अउर ओका भेंटइ बरे ओकरे कइती उ सबइ भागेन ।

१६ उ ओनसे पूछेस, “तू सबइ ओनसे काहे क बारे मँ विवाद करत ह ?”

१७ एह पइ एक मनई भिरिया स जबाव दिहस, “गुरु, मई आपन बेटवा तोहरे लगे लिआइ अही । ओह पइ एक ठु दुस्त आतिमा सवारि अहइ, जउन ओका बोलावइ देत नाही ।<sup>१८</sup> जब कबहुँ दुस्त आतिमा एँका पकरि लेत ह, उ एँका फेकि देत ह अउर एँकरे मुँहना स झागि निकारइ लगत ह । ओकरे बाद उ दँतवन क पीसत ह अउर उ अकड़ि जात ह । मई तोहरे चेलन स कहुँ कि ओका भगावा, मुला उ सबइ करि सकेन नाही ।”

१९ तबहिं ईसू जवाबे मँ ओनसे कहेस, “अरे! बिसवास न करइवाले मनइयो! कब तलक मई तोहरे लगे रइहउँ ? कब ताई तोहरे लगे सहब ? लरिकवा क मोरे लगे लिआवा ।”

२० फिन उ सबइ लरिकवा क ओकरे लगे लेवाइ लिआएन । जबहिं दुस्त आतिमा ईसू क देखेस । फउरन उ लोरिकवा क अइँट दिहस । लरिकवा भुँइया प गिरि गवा अउर मुँहे स झाग निकारत चारिहुँ ओर लोटइ पोटइ लाग ।

२१ तबइ ईसू लरिका क बाप स पूछेस, “इ अइसा कब स लरिकवा क होत अहइ ?”

तब बाप कहेस, “अइसा बचपन स होत आवत अहइ ।<sup>२२</sup> दुस्त आतिमा एँका कइउ दाई आगी मँ अउर कबहुँ पानी मँ मारइ खातिर नाइ देत ही ।

लेकिन का तू कछू कइ सकत ह ? हम पइ दया करा अउर हमारा मदद करा ।”

२३ ईसू ओसे कहेस, “तू कह्या जदि तू कछू कइ सका ? जउन बिसवास करी, ओका बरे सब कछू होइ जाई ।”

२४ तुरंतही लरिका क बाप चिचिआन अउर कहेस, “मई जरूर बिसवास करत हउँ। तू हमारा अबिसवास हटावा ।”

२५ जब ईसू देखेस कि भारी भीर ओकरे लगे निचकात अहइ, उ दुस्ट आतिमा क ललकारेस अउर एँका कहेस, “ओ दुस्ट आतिमा ! तू इ बचवा क गूंगा बहिरा करइवाली मई तोका हुकुम देत अही। ओसे बाहेर आव, ओहमाँ फिन स घुस जिन ।”

२६ तब उ दुस्ट आतिमा चिचिआन अउर लरिका क झपटके अँडोसि अउर ओसे बाहेर गइ। अइसन लगा कि लरिका मर गवा अहइ। बहुत स लोग कहेन, “उ मर गवा !” २७ फिन ईसू ओकर हाथ पकरि क उठाएस अउर ओका गोडवन प खड़ा करेस अउ लरिका खड़ा होइ ग।

२८ ओकरे पाछे उ घर मँ गवा अउर ओकर चलन अकेल्ले मँ पूछेन, “काहे क हम दुस्ट आतिमा क भगाइ नाही सकेन ?”

२९ एँह पइ ईसू जबाव दिहेस, “इ तरह दुस्ट आतिमा बगैर पराथना क बाहेर नाही आवत ।”

आपन मउत क बारे मँ ईसू क कहब

(मत्ती १७ :२२-२३ ; लूका ९ :४३b-४५)

३० उ सबइ हुवाँ छोड़ि चलेन अउर गलील होइ क जात रहेन अउ ईसू नाही चाहत रहा कि कउनो एका जानइ कि उ सब कहाँ बाटन ? ३१ एँह बरे उ आपन चलन क सिच्छा देत रहा। उ ओनसे कहेस, “मनई क पूत मनइयन क हाथन स पकड़वाइ जाई अउर उ सबइ ओका मारि डइहीं। मारि जाए क तीन दिना क पाछे उ जिन्दा होइ जाइ ।” ३२ मुला चलन इ न समझेन कि ईसू का मतलब अहइ अउर उ ओसे एँकरे बारे मँ पूछइ क डेरात रहेन।

ईसू कहत ह कि सबते बड़कवा कउन अहइ

(मत्ती १८ :१-५ ; लूका ९ :४६-४८)

३३ ईसू चलन क साथ कफरनहम आएन। उ सबइ एक घरे मँ गएन। उ ओनसे पूछेस, “राहे मँ तू सबइ का बतियात रह्या ?” ३४ मुला उ सबइ खमोस

होइ गएन। एँह बरे उ सबइ राहे मँ एक दुसरे स सोचेन बिचारेन कि कउन सबस बड़कवा अहइ।

३५ तउ उ बैठि गवा। उ बारहू प्रेरितन आपन नगिचे बोलाएस अउर ओनसे कहेस, “जदि कउनो सब स बड़का होइ चाहत ह, तउ ओका सब स छोटा होइ क परी अउर उ सबन क नउकर होइ ।”

३६ अउर एक बचवा क लइके सब क समन्वा खड़ा किहूस। ओका आपन कोरा मँ लेत भवा ईसू ओनसे कहेस, ३७ “जउन एकउ इन बचवन मँ एकउ क मोरे नाउँ स आपनावत ह, उ हमारा सुआगत करत अहइ, उ न सिरिफ मोका अपनावत ह, मुला उहउ क अपनावत ह, जउन मोका पटाएस ह ।”

जउन हमारा बिरोधी नाही, उ हमारा आटइ

(लूका ९ :४९-५०)

३८ यूहन्ना ईसू स कहेस, “गुरु हम तोहरे नाउँ स कउनो क दुस्ट आतिमन क बाहेर निकारत देखेन ह। हम ओका रोकब चाहा, मुला उ हम पचन मँ नाही रहा ।”

३९ फिन ईसू कहेस, “ओका रोका जिन। इ नाते जउनहुँ मोरे नाउँ स अद्भुत कारजन चाहत बाटइ, उ फउनर मोरे बरे भद्दी बात न कहि पाई। ४० जउन मोरे खिलाफ नाही, उ हमरे कइती अहइ। ४१ जउनहुँ तोहका एक लोटा पानी भरि के देइ कि तू मसीह क बाटचा, मई तोहका सच सच बतावत हउँ, उ जरूर सुफल होइ जाए बिना न रही।

पापन क परिणामे क बारे ईसू क चेतौउनी

(मत्ती १८ :६-९ ; लूका १७ :१-२)

४२ “जउन इन नान्ह अबोध बचवन मँ स कउनो क जउन मोरे मँ बिसवास करत हीं, ओनसे पाप करावत हीं, तउ ओकरे बरे इ नीक होइ कि ओकरे गटइया मँ चकिया क पाट बाँधिके ओका समुहर मँ झोंकि देई। ४३ जदि तोहार हाथ तोसे पाप करवावत ह, तू एँका काट द्या। हथ कटा होइ क अनन्त जीवन मँ प्रवेस करना नीक अहइ। बजाएँ एँहके कि दुइ हाथ धरइ अउर नरक मँ नाइ दीन्ह जाइ, जहाँ अगिया कबहुँ न बुझत। ४४ ॥४५ जदि तोहार गोड़ तोसे पाप करावत ह, ओका काट द्या। लँगड़ा होइ क अनन्त जीवन मँ प्रवेस करना जिआदा नीक होइ, बजाय एँकरे कि दुइनइँ गोड़वा धइ क नरके मँ नाइ दीन्ह जाइ। ४६ ॥४७ जदि तोहार आँख तोसे पाप करावत ह, ओका निकारि

१९ :४४ कछू यूनानी प्रतियन मँ पद ४४ जोड़ा गवा अहइ, इ भाग पद ४८ क समान अहइ।

२९ :४६ कछू यूनानी प्रतियन मँ पद ४६ जोड़ा गवा अहइ, इ भाग पद ४८ क समान अहइ।



डावा। काना होइके परमेस्सर क राज्य मँ घुसब जिआदा नीक अहइ, बजाय कि दुइ आँखिन वाला होइके नरक मँ नाइ दीन्ह जाइ।<sup>१८</sup> जहाँ कि किरवा मरतेन नाहीं। हुवाँ आगी कबहुँ बुझत नाहीं।

<sup>१९</sup> “हर मनई क आगी प नोनखार कीन्ह जाई।

<sup>२०</sup> “नोन नीक होत ह जदि नोन आपन सोवाद तजि देइ, तउ एका नोनखार फिन कइसे बनउव्या ? आपन मँ नोन राखा। एक दूसर क संग सांति स रहा।”

तलाक क बारे मँ ईसू क उपदेस

(मत्ती १९ :१-१२)

**१०** <sup>१</sup>फिन ईसू उ जगह छोड़ि दिहस अउर यहूदिया क पहँटा अउर यरदन नदी क पार गवा। फिन भीर प भीर ओकरे नगिचे आवइ लाग। जउसे ओकर रीति रही, ईसू ओनका उपदेस देइ लाग।

<sup>२</sup>अउर कछू फरीसियन ओकरे लगे आएन अउर उ सबइ ओसे पूछेन, “का इ कनून पुरुस क लिये नीक बाटइ कि उ आपन पत्नी क तलाक देइ दे ?” उ सबइ ओसे ओका जाँचइ बरे पूछेन।

<sup>३</sup>ईसू ओनका जबाव दिहस, “मूसा तोहका का आदेस दिए बाटेन ?”

<sup>४</sup>उ सबइ कहेन, “मूसा पुरुस क एक ठु तलाक क त्याग पत्र लिखिवाइ आपन पत्नी क तलाक बरे हुकुम देहेस।”

<sup>५</sup>ईसू ओनसे कहेस, “मूसा इ आदेस एह बरे लिखेस कि तू सबइ नासमुझ अहा।<sup>६</sup> सृस्टि क सुरुआत स, परमेस्सर पुरुस अउर स्त्री बनाएस।”<sup>७</sup> “एह बरे पुरुस आपन महतारी बाप क छोड़ि देइ अउर आपन पत्नी क संग रही।”<sup>८</sup> दुइनउँ एक तन होइ जइही। तइसे उ दुइनउँ अलग नाहीं, मुला एक ठु अहइ।<sup>९</sup> एह बरे जेकर परमेस्सर जोरि दिहे अहइ, ओहका मनई क अलग नाहीं करइ चाही।”

<sup>१०</sup>जब उ सबइ गरवा मँ फिन स आएन, तउ चलन एकरे बारे मँ ओसे पूछेन।<sup>११</sup>अउर ईसू ओनसे पूछेस, “जउन आपन पत्नी क तलाक दइ देत ह, अउर दूसर स्त्री स बियाह करत ह, उ ओकरे खिलाफ व्यभिचार करत ह।<sup>१२</sup> अगर स्त्री आपन पति क तजि देत ह अउर दूसर पुरुस स बियाह करत ह, तो उ व्यभिचारी ह।”

ईसू बचन क आसीर्वाद बरे

(मत्ती १९ :१३-१५ ; लूका १८ :१५-१७)

<sup>१३</sup>फिन मनइयन गदेलन क ओकरे लगे लइ आवइ लागेन, इ नाते कि उ ओनका छुइ लेइ अउर आसीर्वाद देइ मुला चलन ओनका फटकारि दिहन।<sup>१४</sup> जब ईसू इ देखेस, उ कोहाय ग अउर उ ओनसे कहेस, “गदेलन क मोरे निअरे आवइ या। ओनका जिन रोका, इ नाते परमेस्सर क राज्य अइसन स नाता जोरत ह।<sup>१५</sup> मई तोहका सच सच बतावत हउँ, जउन परमेस्सर क राज्य क गदेलन क नाई सुआगत न करी, उ राज्य मँ कबहुँ न घुसी।”<sup>१६</sup> ईसू आपन कोरा मँ गदेलन क उठाएस। उ आपन हथवा ओनके ऊपर धरेस अउर आसीर्वाद दिहेस।

ईसू स धनी मनई क सवाल

(मत्ती १९ :१६-३० ; लूका १८ :१८-३०)

<sup>१७</sup>जइसे उ जात्रा प जाइ क रहा, एक मनई ओकरे लगे आइ अउर घुटनवा टेकिके बोला अउ ओसे पूछेस, “उत्तम गुरु! अनन्त जीवन पावइ क हक बरे ओका का करइ क चाही ?”

<sup>१८</sup>ईसू ओसे कहेस, “तू मोका उत्तम काहे कहत ह ? सिरिफ परमेस्सर क छोड़िके कउनो उत्तम नाहीं।<sup>१९</sup> तू आदेस क जानत ह। ‘जीउ जिन मारा, व्यभिचार जिन करा, चोरी जिन करा, झूठी गवाही जिन या, टगी जिन करा, आपन महतारी बाप क इज्जत करा।”

<sup>२०</sup>उ मनई ओसे कहेस, “गुरु मई आपन लरिकइँ स इन सब बातन पर चलत आवत हउँ।”

<sup>२१</sup>ईसू ओका निहारेस। ओकरे बरे पिरेम भाउ रखेस अउर ओसे कहेस, “तोहमाँ एँक बात क कमी अहइ जा अउर बँचि आवा जउन तू धरे अहा। तब एक गरीबे क या। ओकरे बाद तू सरगे मँ खजाना रखव्या। तब्वई तू आवा अउर मोरे पाछे चला।”

<sup>२२</sup>अइसे बयान पर ओकर मुँह उतर गवा अउर निरास होइ के चला गवा। इ नाते कि उ धनवान रहा।

<sup>२३</sup>ईसू चारिहुँ कइँती देखेस अउर आपन चलन स कहेस, “केतना मुस्किल बाटइ ओनके बरे जउन धनी होइके परमेस्सर क राज्य मँ घुसइ चाहत अहइ।”

<sup>२४</sup>चलन इ बचनन प अचरजि मँ परि गएन। तउ फिन ईसू ओनसे कहेस, “मोर गदेलन!

\*\*१० :६ उत्पत्ति १ :२७ :५ :२

††१० :७ उत्पत्ति २ :२४

परमेस्वर क राज्य मैं घुसब केतना मुस्किल अहइ ।  
 २५ ऊँट क सुई क नौके स घुसरब असान अहइ,  
 बजाय एक धनी मनई क परमेस्वर क राज्य मैं  
 जाब !”

२६ ओनका अउ जिआदा अचरज भवा, अउर  
 आपुस मैं एक दुसरे स बतियाइ लागेन, “तब कउने  
 क उद्धार होई ?” २७ ओनका लखत, ईसू कहेस,  
 “मनई अइसा कबहुँ नाहीं कइ सकत, मुला इ  
 परमेस्वर बरे अइसा नाहीं ।”

२८ पतरस ओसे कहइ लाग, “देखा, हम सब कछु  
 तजि दिहन अउर तोहरे पाछे होइ गएन !”

२९ ईसू कहेस, “मइँ तोसे सच सच कहत  
 हउँ, कउनो अइसा नाहीं जउन मोरे बरे अउर  
 सुसमाचार बरे घर-दुआर, भाइयन, बहिनियन,  
 महतारी, बाप, गदेलन, खेत अउर क तजि देइ,  
 ३० जउन इ जुगे मैं घरन भाइयन, बहिनियन,  
 महतारीयन, गदेलन अउर खेतन क संग सताव  
 सउ गुना जिआदा न पाइ, अउर आवइवाला जुग  
 मैं अनन्त जीवन । ३१ मुला बहोत जने जउन आज  
 सबते पाछे अहइ, उ सबते पहिले होइहीं । जउन  
 सबते पहिले अहइ, उ सबइ पाछे होइहीं ।”

ईसू आपन मउत क भविस्सवाणी किहेस

(मत्ती २० :१७-१९ ; लूका १८ :३१-३४)

३२ फिन उ सबइ यरूसलेम जात जात रस्ता मैं  
 रहेन, ओनमें ईसू सबते आगे चलत जात रहा ।  
 उ सबइ खुबइ अचिरजे मैं डेरानेन । जउन पाछे  
 रहेन, उ पचे ससान रहेन । ईसू बारहु प्रेरितन क  
 एक कइती लइ गवा अउर ओनका बतावइ लाग  
 कि ओकरे संग का घटइवाला अहइ । ३३ “सुन, हम  
 पचे यरूसलेम जात अही, अउर मनई क पूत क  
 दुराव स मुख्ययाजकन अउर धरम सास्तिरियन  
 पकड़वाइ के दइ देइहीं । अउर उ सबइ ओका मउत  
 क सजा देइके गैर यहूदी क दइ देइहीं । ३४ जउन  
 ओकर हँसी करिहीं अउर उ पचे ओह पइ थुकिहीं ।  
 उ सबइ ओका कोड़ा स पिटहीं अउर मारि डइहीं ।  
 तीन दिना क पाछे उ जी जाई ।”

याकूब अउर यूहन्ना क ईसू स हट

(मत्ती २० :२०-२८)

३५ फिन जब्दी क बेटवन याकूब अउर यूहन्ना  
 ओका लगे आएन अउर ओसे कहेन, “गुरु, हम  
 चाहित ही कि हम जउन तोसे करइ क कही, ओका  
 तू हमरे बरे कइ द्या ।”

३६ ईसू ओनसे कहेस, “तू मोसे आपन बरे का  
 करवावइ क चाहत ह ?”

३७ उ सबइ ओसे कहेन, “तू आपन महिमा मैं हम  
 पचेन क बइठइ क अधिकार द्या । हम पचेन मैं एक  
 ठु तोहरे दाएँ अउर एक ठु तोहरे बाएँ बइठइ ।”

३८ ईसू ओनसे कहेस, “तू जानत ह नाहीं कि तू  
 सबइ का कहत ह । जउन लुटिया मइँ पिअइ जात  
 हउँ, का तू पी सकत ह ? का जउन बपतिस्मा मइँ  
 लेवइ क हउँ, का तू पचे उ बपतिस्मा क लइ सकत  
 ह ?”

३९ उ पचे ओसे कहेन, “हम वइसा करि सकित  
 ह ।” फिन ईसू ओनसे कहेस, “का तू सबइ लुटिया  
 भरि के पीव्या जउन मइँ करि सकत हउँ ? जउन  
 बपतिस्मा मइँ लेइ का हउँ, का तू सबइ लइ  
 सकत ह ? ४० मुला मोरे दाएँ अउर बाएँ बइठइ  
 का जगहिया देब मोर अधिकार नाहीं अहइ । इ  
 जगहियन ओनही मनइयन क बरे अहइ, जेनके  
 बरे उ सबइ तइयार कीन्ह ग अहइ ?”

४१ जब बाकि दसहु एकरे बारे मैं सुनेन तउ उ पचे  
 याकूब अउर यूहन्ना प गुस्सा करेन । ४२ फिन ईसू  
 आपन लगे ओनका बोलाएस अउर ओनसे कहेस,  
 “तू जानत ह कि जउन गैर यहूदियन प राज करत  
 ही, उ हुकुम ओन पइ चलावत ही अउर ओनका  
 अउर ओनके मुख्य नेतन क ओन प प्रभाव बाटइ ।  
 ४३ मुला तोहरे संग अइसा नाहीं बाटइ । तू सबन  
 मैं जउन बड़वार होइ चाहत ह, उ तोहार नउकर  
 बनइ । ४४ अउर तू पचन मैं जउन मुखिया बना  
 चाहइ उ तोहार गुलाम बनइ । ४५ मनइँ क पूत  
 हु सेवा करावइ नाहीं आइ अहइ मुला उ सेवा  
 करइ आइ अहइ अउर आपन जीउ क बहोतन क  
 छुटकारा बरे आइ अहइ ।”

आँधर क आँखिन

(मत्ती २० :२९-३४ ; लूका १८ :३५-४३)

४६ फिन उ सबइ यरीहो आएन अउर जब ईसू  
 एक भारी भीर क संग आपन चलन क लइके यरीहो  
 जात रहा तउ तिमार्ई क बेटवा बरतिमार्ई नाउँ क  
 एक ठो आँधर भिखमंगा सरक क किनारे बइटा  
 रहा । ४७ जब उ सुनेस कि नासरत क ईसू अहइ,  
 उ चिचिआइ क कहइ लाग, “ईसू, दाऊद क पूत !  
 मो पर दया कर !”

४८ अउर बहोत मिला ओका डाटेन अउर ओका  
 चुप रहइ क कहेन । तब ओकर अवाज ऊँच स ऊँच  
 होत गइ, “दाऊद क पूत ! मो प दया कर !”

४९ तउ ईसू रुका अउ कहेस, “ओका मोरे लगे  
 बोलावा ।”

एह पइ उ सबइ आँधर क बोलाएन अउर ओसे  
 कहेन, “मनवा क मजबूत करा खरा ह्वा । ईसू

तोहका बोलावत ह।” ५० उ आँधर आपन लबादा फेंकि दिहस अउर उछरि पड़ा अउर फिन ईसू क लगे गवा।

५१ तब ईसू ओसे कहेस, “तू मोसे आपन बरे का करवावइ चाहत ह?”

आँधर ओसे कहेस, “हे गुरु, मई पुनि देखइ चाहत हउँ।”

५२ तउ ईसू ओनसे कहेस, “जा। तोहरे बिसवास स तोहार उद्धार भवा।” अउर उ फउरन देखइ लायक होइ सका। फिन उ ईसू का पाछे, सरक प होइ गवा।

ईसू यरूसलेम मँ राजा क नाई घुसत ह

(मत्ती २१:१-११; लूका

११:२८-४०; यूहन्ना १२:१२-१९)

११ फिन जइसे यरूसलेम क नगिचे जैतून क पहाड़ी प बैतफगे अउर बैतनिय्याह पहुँचन, उ आपन चलन मँ दुइ क पटाएस। २ अउर ओसे कहेस, “जा गाउँ मँ जइसे तू हुवाँ घुसब्या, तू एक टु गदही क बच्चा बाँधा भवा पउब्या, जेह प पहिले कबहुँ नाहीं कउनो चढ़ा होई। ओका खोल द्या अउर हियाँ लिआवा। ३ जदि तोसे कउनो पूछइ कि तू अइसे काहे करत अहा, तउ तू कह्या, ‘प्रभू क एँकर जरूरत अहइ, फिन उ एँका फउरन पटइ देइ।’”

४ तउ उ पचे चलि पड़ैन। उ गदही क बच्चा क बाँधा भवा दुआर क नगिचे खुली मँ पाएन। उ पचे ओका छोरि दिहन। ५ कछू मनई जउन हुवाँ खरा रहेन ओनसे पूछेन, “उ गदहिया क बच्चा क काहे तू पचे छोरिके का करत बाटद्या?” ६ उ पचे ओनका बताएन जरून ईसू कहेस। तउ उ सबइ ओनका जाइ दिहेन।

७ उ पचे गदहिया का बच्चा क ईसू क लगे लइ आएन। अउर उ पचे आपन ओढ़ना ओह प डारि दिहन। फिन ईसू ओह प बइटा। ८ बहोत मिला आपन लबादा क सरकिया प डारि दिहन अउर दूसर खेते स टहनियन क काटि लिहन अउर हुवाँ बिछाइ दिहन। ९ उ मनइयन जउन ईसू क अगवा अउर पाछे चलत रहेन, उ पचे पुकार रहेन:

“होसन्ना! #

‘धन्य अहइ उ जउन प्रभू क नाउँ प आवत ह!’ #

१० “धन्य अहइ हमार पिता दाऊद क राज्य क अवाई,

जउन आवत अहइ,  
होसन्ना सरग मँ!”

११ तब ईसू यरूसलेम घुसा अउर मन्दिर मँ घुसा। उ हर चीज क चारिहुँ कइती निहरिस। एह बरे दिन ओनवत देर होइ गइ। उ बारहुँ प्रेरितन क संग बैतनिय्याह चला गवा।

ईसू कहेस क अंजीर क पेड़ मरि जावई

(मत्ती २१:१८-१९)

१२ दूसरे दिन जब उ सबइ बैतनिय्याह स निकसत रहेन, ओनका भूखि लाग। १३ तनिक दूरी प ओका एक टु हरिअर अंजीर क पेड़ देखान। उ देखइ गवा कि ओका कछू खाइके ओह प मिल जाइ। जब उ पेड़ क लगे आवा, उ पातिन छोडिके कछू नाहीं पाएस, काहेकि इ रितु अंजीर क नाहीं रही। १४ तबहि उ बिरवा स कहेस, “अब तोसे कबहुँ कउनो तोहार फल फिन न चखी।” ओकर चलन इ सुनेन।

ईसू क मन्दिर जाव

(मत्ती २१:१२-१७; लूका

११:४५-४८; यूहन्ना २:१३-२२)

१५ तबहि उ सबई यरूसलेम गाएन अउर उ पचे मन्दिर मँ घुसेन तउ ईसू ओनका निकारइ लाग जउन मन्दिर मँ बेसहत अउर खरीदत रहेन। उ पइसे क लेब देव करइया महाजनन क चउकियन क पलट दिहस अउर कबूतरे क बेचवइयाँ क बिचिया पलटेस। १६ उ मन्दिर मँ स कउनो क कउनो क कछू नाहीं लइ जाइ दिहस। १७ तबहि उ ओनका उपदेस देइ लाग। फिन उ ओनसे कहेस, “का इ पवित्र सास्तरन मँ लिखा नाहीं बाटइ कि, ‘भोर घर पराथना घर कहा जाई?’ १८ मुला तू पचे एँका ‘चोरन क अइडा बनइ दिहा।’”

१९ जबहि मुख्ययाजकन अउर धरम सास्तिरियन इ बात सुनेन, उ सबइ ओका मारि डारइ क तरकीब सोचइ लागेन। अइसे उ पचे डेरानन, काहेकि ईसू क उपदेस स सब मनइयन

#११:९ होसन्ना इब्रानी सब्द परमेस्सर क सहायता बरे पराथना कीन्ह जात अहइ। इस समइ परमेस्सर या मसीह बरे प्रसंसा अउ आनन्द अहइ।

#११:९ उद्धृत भजन संहिता ११८:२५-२६

##११:१७ यसा. ५६:७

\*११:१७ यिर्म. ७:११

अचरजि मैं पड़ि गएन। १९ फिन जब सांझ भइ तउ उ सबइ सहर स बाहेर गएन।

विसवास क सकित

(मत्ती २१:२०-२२)

२० दुसरे दिन भिसारे जबहि ईसू आपन चेलन क संग जात रहा तबइ उ पचे उ अंजीर क बिरवा क जड़े स झुराइ गवा देखेन। २१ तइसे पतरस याद कइके ईसू स कहेस, “हे गुरु, जउने अंजीर क बिरवा क तू सराप्या ह, उ झुराइ गवा ह।”

२२ ईसू ओनका जबाव दिहेस, “परमेस्सर मैं बिसवास राखा। २३ मई तोसे सच सच कहत हउँ: जदि कउनो इ पहाड़े स कही ‘तू उठि जा अउर समुदर मैं फाट पड़ा।’ अउर ओकरे मनवा मैं रचिकउ संदेह नाही रही मुला बिसवास होई कि जइसा उ कहेस ह, वइसा होइ जाइ तउ ओकरे बरे वइसा होई। २४ एह बरे मई तोहका बतावत अही कि तू पराथना मैं जउन मंगब्या बिसवास करा उ तोहका मिलि गवा ह अउर उ तोहरा होइ ग अहइ। २५ अउर जब कबहुँ तू पराथना करत खड़ा होइ जा तउ कउनो कि खिलाफ तोहका सिकाइत होई तउ ओका तू छमा कइ द्या जइसे सरगे मैं स्थित तोहार परमपिता तोहरे पापन्क छमा कइ देई।” २६ †

यहूदी नेतन क ईसू क अधिकारे प संदेह

(मत्ती २१:२३-२७; लूका २०:१-६)

२७ फिन उ पचे यरूसलेम लउट आएन। ईसू जब मन्दिर मैं टहरत रहा तउ मुख्ययाजकन, धरम सास्तरियन, बुजुर्ग यहूदी नेतन ईसू क लगे आएन। २८ उ पचे ईसू स कहेन, “हमका बतावा! तू इ कामन क कउने अधिकार स करत बाट्या? कउन तोहका अधिकार दिहेस ह?”

२९ ईसू ओनसे कहेस, “मई तोहसे एक सवाल पूछत हउँ। तू मोरे सवाल क जबाव द्या? तउ मई तोहका बतावत कि कउने अधिकारे स मई इ काम करत हउँ। ३० मोका बतावा: यूहन्ना जउन बपतिस्मा देत रहा, का ओहका सोझे सरगे स या मनई स मिला रहा?”

३१ ईसू क सवाले प उ सब बिचारत बिचारत आपुस में कहइ लागेन कि, “जदि हम पचे इ कहित ह, ‘ओका इ सरगे स मिला रहा,’ तउ ईसू कही, ‘फिन तू पचे ओह प बिसवास काहे नाही करत्या?’

३२ अउर जदि हम पचे इ कही, ‘उ मनई स पाए

रहा’ तउ सब मनई हम प रिसियाइ जइहीं।” (ई नेतन लोग मनइयन स डेरात रहेन। सब मनइयन क बिसवास रहा कि यूहन्ना नबी अहइ।)

३३ एह बरे यहूदी नेतन ईसू स कहेन, “हम पचे जानित नाही।”

एह पइ ईसू ओनसे कहेस, “तउ फिन मई तोहका नाही बतावत अही कि इ काज मई कउने अधिकारे स करत हउँ।”

परमेस्सर आपन पूत क पटएस

(मत्ती २१:३३-४६; लूका २०:९-१९)

१ ईसू दिस्टान्त कथा खोलि क समझावत ओनसे कहइ लाग: “एक मनई अंगूरे क बाग लगाएस अउर ओकरे चारिहुँ कइती चहरदेवार बनाएस। फिन उ अंगूरे क रस धरइ बरे एक गड़हा खोदेस अउर ओकरे बाद एक ठु बुर्ज खड़ा करेस। फिन उ कछू किसानन क लगाने प दिहस अउ जात्रा प चला गवा।

२ “फिन अंगूर पकइ क रितु मैं उ एक ठु नउकर पटएस जेसे उ किसानन स जउन अंगूर पक गवा अहइ, ओहमाँ स ओकर हींसा लइ आवइ। ३ उ मुला उ सबइ नउकर क पकरिके पीटेन, ओका खालि हाथे भगाइ दिहन। ४ उ एक ठु अउ नउकर हुवाँ पटएस। उ किसानन ओकर मुड़वा फोड़त ओका बेज्जत करेन। ५ उ फिन एक ठु अउ नउकर पटएस, जेकर उ सब कतल कइ दिहन। उ इ तरह कइ ठु नउकरन क पटएस, जेनका उ सब मोरेन पीटेन अउर केतनन क मारि डारेन।

६ “अब ओकरे लगे पठवइ क आपन पियारा बेटवा ही बचा रहि गवा। आखिर उ ओनके लगे इ कहत पटएस, ‘उ पचे मोरे बेटवा क मान सम्मान जरूर कहि रही।’

७ “उ किसानन एक दुसरे स कहेन, ‘इ तउ ओकर वारिस अहइ। आवा, एका मारि डाइ। अइसे हम पचे एकर वारिस होई जाव।’ ८ उ सबइ ओका पकरिके मारि डारि अउर ओका अंगूर क बागे स बाहेर फेंके दिहन।

९ “एह पइ अंगूर क बगिया क मालिक का करी? उ आइके किसानन क मारि डाई अउर बगिया क दुसरे क दइ देई। १० का तू पचे पवित्तर सास्तर का बचन नहीं बांच्या:

‘उ पाथर जेका राजगीर बेकाम क समझेन

उहइ कोने क पाथर बनि गवा।

†११:२६ कछू यूनानी प्रतियन मैं पद २६ जोड़ा गवा अहइ: “मुला जदि तू पचे छमा नाही करत्या तउ तोहार सरगे मैं परमपिता तोहरे पापन्क छमा न करी।”

११ इ पभू करेस,

जउन हमरे निगाहे मँ अजूवा बाटइ ।”<sup>१</sup> †

१२ उ सबइ जान गएन कि जउन दिस्टान्त उ दिहेस ह उ ओकरे खिलाफ रहा । तउ उ पचे ओका गिरफतार करइके कउनो कुचाल खोजइ लागेन, मुला उ पचे मनइयन स डेरात रहेन । एह बरे ओका तजि के गएन ।

यहूदी नेतन क ईसू क छलइ क चाल  
(मत्ती २२ :१५-२२ ; लूका २० :२०-२६)

१३ तब यहूदी नेतन ईसू क बातन मँ फँसावइ क बरे कछू फरीसियन अउर हेरोदियन क ओकरे नगिचे पठएन ।<sup>१४</sup> जउन ओकरे निअरे फरीसियन अउर हेरोदियन रहेन उ सबइ कहेन, “गुरु, हम पचे जानित ह कि तू बहोतइ ईमानदार मनई अहा अउर तू इ बात क रचिकउ फिकिर करत्या नाही कि दूसर मनई का सोचत हीं । तू मनई क हैसियत या ओकर रुतबा क ध्यान न देत परमेस्सर क राहे क सीख देत ह । तउ बतावा न कि कैसर क कर देब ठीक बाटइ की नाही । हम ओका कर अदा कइ देइ कि नाही ?”

१५ ईसू ओनकइ चाल चपेट जानि गवा । उ ओनसे कहेस, “तू मोका काहे परखत ह ? एक ठु दीनार लिआवा काहेकि ओका मई लिखि सकउँ ।”<sup>१६</sup> तउ उ पचे एक ठु दीनार लइ आएन । फिन ईसू ओनसे पूछेस, “यह पइ केकर चेहरा अउर नाउ लिखा बाटइ ?” उ पचे कहेन, “कैसर क ।”

१७ तब ईसू ओनका समझाएस, “जउन कैसर क अहइ, ओका कैसर क द्या अउर जउन परमेस्सर क अहइ ओका परमेस्सर क द्या ।” तउ उ पचे अचरजि मँ पड़ि गएन ।

सदूकियन क चाल

(मत्ती २२ :२३-३३ ; लूका २० :२७-४०)

१८ फिन कछू सदूकियन पुनरुत्थान क नाही मनतेन, ओकरे नगिचे आएन अउर उ पचे ओसे पूछेन, १९ “गुरु, मूसा हमरे बरे लिखेस कि जदि कउनो क भाई मरि जाए अउर ओकरे पत्नी क कउनो लरिका न होइ तउ ओकरे भाई क चाही कि उ ओसे बियाह करइ अउर फिन आपन भाई क बंस

क चलावई ।<sup>२०</sup> एक दाई क बात अहइ कि सात ठु भाई रहेन । सबते बड़का भाई बियाह करेस अउर निपूत होइके मरि गवा ।<sup>२१</sup> फिन दूसर भाई उ स्त्री स बियाह करेस, पर उहउ निपूत होइके मरि गवा । तिसरका भाई भी वइसे करेस ।<sup>२२</sup> सातहु भाइयन मँ कउनो क कउनो संतान नाही भइ । आखिर उ स्त्री भी मरि गइ ।<sup>२३</sup> मउत क बाद जबहि उ पचे जी उठिहीं, तउ बतावा उ स्त्री केकर पत्नी भई ? काहेकि उ सातहु ओका आपन पत्नी क तरह राखे रहेन ।”

२४ ईसू ओनसे कहेस, “तू पचे न तउ पवित्तर सास्तरन क जानत ह अउर न परमेस्सर क ताकत क । का इ कारण नाही जैसे तू पचे भटक गवा बाटचा ?<sup>२५</sup> काहेकि उ सबइ जबहि मरे भए स जी उठिहीं, तउ ओनकइ बियाह न होई मुला सबइ सरग मँ दूतन क तरह रइहीं ।<sup>२६</sup> मरे भए स जी उठइ क बातन मँ का तू पचे नाही बाँच्या जउन मूसा क कितबिया मँ झाड़ी क बाबत लिखा बाटइ ? हुवाँ परमेस्सर मूसा स कहेस, ‘मई इब्राहीम क परमेस्सर, इसहाक क परमेस्सर अउर याकूब क परमेस्सर हउँ ।’<sup>२७</sup> उ मरे भए क परमेस्सर नाही मुला जउन जिअत अहइ ओनकइ परमेस्सर अहइ । तू पचे बहोतइ भारी भूलि मँ पड़ि गवा ह ।”

सबते बड़ा हुकुम

(मत्ती २२ :३४-४० ; लूका १० :२५-२८)

२८ फिन एक ठु धरम सास्तरि आइ अउर ईसू ओनका चरिचा करत सुनेस । जबहि उ सास्तरि देखेस कि ईसू ओनका कउने बढिया तरकीबे स जबाव दिहेस, उ ईसू स पूछेस, “कउन हुकुम सबते जिआदा बड़कई क अहइ ?”

२९ ईसू जबाव दिहेस, “सबते बड़कई क हुकुम इ अहइ : ‘ओ इस्राएली सुना, सिरिफ हमार पभू परमेस्सर एक ठु पभू अहइ ।<sup>३०</sup> तू आपन पूर मन स समुचइ जिन्नगी स, समुचइ बुदधि स अउर आपन पूरी ताकत स तोहका आपन परमेस्सर पभू स पिरेम करइ चाही ।’<sup>३१</sup> दूसर हुकुम इ अहइ ‘आपन पड़ोसी स वइसइ पिरेम करा जइसे तू

†१२ :११ उद्धृत भजन संहिता ११८ :२२-२३

†१२ :२६ निर्गो. ३ :१-१२

†१२ :२६ निर्गो. ३ :६

\*\*१२ :३० व्यवस्था. ६ :४-५

आपन स करत ह ।<sup>†</sup> इ सब हुकुमन ते बड़ा अउर कउनो हुकुम नाही ।”

<sup>३२</sup> एह पइ धरम सास्तरी ओसे कहेस, “गुरु तू नीक कहा। तोहार इ कहव नीक अहइ कि परमेस्सर एक अहइ, ओकरे बजाय अउर दूसर कउनो नाही। <sup>३३</sup> आपन पूरा मन स, समुचइ समझि-बुझि स, पूरी ताकत स परमेस्सर स पिरम करब अउर आपन भाई आपन पड़ोसी स पिरम करब सबइ बलि समर्पित भेंट अउर भेंटन जेकरे बारे मैं कहा अहइ, ओसे जिआदा बड़कइ अहइ।”

<sup>३४</sup> जबहिं ईसू लखेस कि उ मनई समझि के जबाव देत बाटइ तउ ईसू मनई स कहेस, “तू परमेस्सर क राज्य स दूर नाही बाट्या।” ओकरे बाद कउनो दूसर मनई ओसे कउनो अउर सवाल पूछइ क हिम्मत नाही कहेस।

मसीह दाऊद क बेटवा अहइ या पर्भू ?

(मत्ती २२ : ४१-४६ ; लूका २० : ४१-४६)

<sup>३५</sup> फिन ईसू मन्दिर मैं उपदेस देत भवा कहेस, “कइसे धरम सास्तरियन कहत बाटेन कि मसीह दाऊद क पूत अहइ ? <sup>३६</sup> दाऊद खुद पवित्तर आत्मा स प्रेरित होइके कहेस:

‘पर्भू परमेस्सर मोर पर्भू (मसीह) कहेस:

मोरे दाहिन कइती बइठा,

जब तलक मई तोहरे दुस्मनन क तोरे गोड़वा तरे न कइ देउं।”<sup>‡</sup>

<sup>३७</sup> दाऊद खुदइ ओका ‘पर्भू’ कहत बाटइ। फिन मसीह दाऊद क पूत कइसे होइ सकत ह ?” भारी भीड़ ओका खुस होत होत सुनत रही।

धरम सास्तरीयन स होसियार

(मत्ती २३ : ६-७ ; लूका ११ : ४३ ; २० : ४५-४७)

<sup>३८</sup> उ आपन उपदेस मैं कहेस, “धरम सास्तरी लोगन्स होसियार रहा। उ पचे आपन लंबा लंबा लबादा पहिर क एँहर ओहँर फिरब पंसद करत ही। ओनका हाटन मैं आपनक पैलगी कराउब सोहात ह। <sup>३९</sup> अउर आराधनालयन मैं बड़कवा क आसन पइ बइठव चाहत हीं, उ पचे भोजे मैं बड़कवा क आसन पावइ क इच्छा रखत हीं। <sup>४०</sup> उ पचे विधवन क मिल्कियत हड़प लेत हीं। उ पचे देखावइ बरे लंबी लंबी पराथना बोलत हीं। इ पचन क करी स करी सजा मिली।”

सच्चा दान

(लूका २१ : १-४)

<sup>४१</sup> ईसू दानपात्र क समन्वा बइठा देखत रहा कि मनई कउने तरह दानपात्र मैं पइसा नावत हीं। बहोतन धनी मनइयन बहोत धन नाइ दिहन। <sup>४२</sup> फिन हुवाँ एक ठु गरीब विधवा आइ अउर उ ओहमाँ दुइ दमड़ी नाएस जउन उ एक पइसा क बराबर भी नाही रहा।

<sup>४३</sup> फिन उ आपन चेलन क नगिचे बोलाएस अउर कहेस, “मई तू पचन स सच सच कहत हउँ, धनी लोगन स इ दाने पात्रे मैं नावा एक ढेर क नावा दान स जिआदा बड़कवा दान इ गरीब अउर बेसुहागिन विधवा क अहइ। <sup>४४</sup> काहेकि उ पचे जउन धन फालतू धरे रहेन उ सब एँहमा नाइ दिहन, मुला इ आपन गरीबी मैं स जउन एँकरे लगे रहा, उ सब नाइ दिहस। एँकरे लगे एँतना ही धन जुरा रहा जउन एँकरे जिन्गी क सहारा रहा।”

बिनासे क भविस्सबाणी

(मत्ती २४ : १-२५ ; लूका २१ : ५-२४)

**१३** <sup>१</sup> जब उ मन्दिर स जात रहा, ओकर एक ठु चेला ओसे कहेस, “गुरु, लखा इ सबइ पाथर अउर इमारतन केतना अजूबा अहइ।”

<sup>२</sup> तउ ईसू ओनसे कहेस, “तू इन भारी इमारत क देखत बाट्या ? हिआँ एक पाथर प दूसर पाथर टिकाइ कइ रखा बाटइ। एक एक ठु पाथर ढकेल दीन्ह जाई।”

<sup>३</sup> जबहिं उ मन्दिर क समन्वा जैतून क पर्वत प बइठा रहा तउ पतरस, याकूब, यूहन्ना अउर अन्दरयास अकेल्ले मैं पूछेन, <sup>४</sup> “हमका बतावा, इ सब कछ्छू कब घटी ? जब इ सब कछ्छू पूरा होइ जाई तउ कउन निसान देखॉइ देइहीं ?”

<sup>५</sup> एँह पइ ईसू कहइ लाग, “होसियार ! कउनो तोहका न छली। <sup>६</sup> मोरे नाउँ स बहोत लोग अइहीं अउर इ दावा करिहीं, ‘मई उहइ हउँ।’ उ पचे बहोतन क छलिहीं। <sup>७</sup> जब तू जुद्ध अउर जुद्धन क अफवाह क बारे मैं सुन्या तउ घबराया जिन अइसा तो होइ मुला अबहिं अंत नाही बाटइ। <sup>८</sup> एक रास्टर दूसर रास्टर क खिलाफ अउर एक ठु राज्य दूसर राज्य क खिलाफ खड़ा होइहीं। बहोतन स ठउरन प भूइँडोल अइहीं अउर अकाल पड़ी। ई उ पीरा क सुरुआत होइ।

<sup>†</sup>१२ : ३१ लैव्य. १९ : १८

<sup>‡</sup>१२ : ३६ उद्धृत भजन संहिता ११० : १

१ “आपन बारे मैं होसियार रहा। उ पचे तोहका अदालत मैं पेस करिहीं अउर फिन तोहका आराधनालयन मैं पीटा जाई अउर मोरे कारण तोहका सासक राजा लोगन क समन्वा खड़ा होइ क होई जइसे ओनका प्रमाण मिलि जाइ।  
 १० लेकिन इ जरूरी अहइ कि पहिले स हि सबन्क क सुसमाचार सुनाइ दीन्ह जाइ। ११ जब कबहुँ तोहका पकरि के तोहरे प मुकदमा चलइहीं तउ पहिले स इ फिकिर जिन कयाँ कि तोहका का कहइ क अहइ। उ समइ प जउन कछू तोहका बतावा जाइ, उहइ बोल्या काहेकि इ सबइ तू पचे नाही जउन तू बोलत ह, मुला बोलइवाला पवित्तर आतिमा अहइ।

१२ “भाई, भाई क धोखा दइके पकड़ावावत मरवाइ देइ। बाप, बेटवा क धोखा दइ के पकड़ावाइ अउर बाल-बच्चे आपन महतारी अउर बाप के खिलाफत मैं खड़ा होइके मरवइहीं। १३ मोरे कारण सब जने तोसे घिना करिहीं मुला जउन अंत समइ तलक धीरज धरी, ओकर उद्धार होई।

१४ “जब तू पचे धूमित खउफनाक अउर बिनास करइवाली चीजन्क, जहाँ उ सबन कन होइ चाही, हुवाँ खड़ा देख्या।” (पढ़वइया खुद समझि लेई कि एकर का अरथ अहइ।) “तब जउन लोग यहूदिया मैं होइहीं, ओनका पर्वत प पराय जाइ चाही।  
 १५ अउर जउन लोग आपन घरवा क छतवा प होइहीं, उ पचे घरवा मैं घुसुरि क कछू भी लइ आवइ क तरखाले न उतरइ। १६ अउर जउन बाहेर मैदान मैं होई, उ पचे पाछे धूमि के आपन ओढ़ना तलक न लेई।”

१७ उ स्त्रियन बरे जेकर पैर भारी होइ अउर जेकर दूध पिअइया बचवन गोदी मैं होइहीं, उ दिनन बहोतई खउफनाक होइहीं। १८ पराथना करा कि इ सब कछू सर्दी क रितु मैं न होइ। १९ उ दिनन अइसी बिपत आई जइसी आजु तक नाही इ जबहिं ते परमेस्सर इ संसार क रचि दिहन ह, आजु तक नाही आइ अउ कबहुँ अगवान आई। २० अउर जदि परमेस्सर उ दिनन क कमती कइ न दिहेस होत तउ कउनो न बच पावत। मुला उ खात रूप स चुना गवा मनइयन क कारण जेनका उ चुनेस, उ उ समइ क कब कम दिहस ह।

२१ “उ दिनन मैं जदि कउनो तोसे कहइ कि, ‘देखा, इ रहा मसीह!’ या ‘उ अहइ मसीह।’ तू ओकर बिसवास न कयाँ। २२ काहेकि झूठे मसीहन

अउर झूठे नबियन देखॉइ देइहीं अउर उ सबइ अइसा अद्भुत चीन्हन देखइहीं अउर अचरज कारजन करिहीं कि जदि होइ जाए तउ उ पचे चुना गपून मनइयन क भी अड़पंचे मैं डाइ देइहीं।  
 २३ एह बरे तू सब होसियार रहा। मई समइ स पहिले ही तो पचन्क सब कछू बताइ दीन्ह।

२४ “उ दिनन मैं दारून कस्ट क समइ क पाछे :

‘सूरज करिया पड़ि जाई,  
 चंदा स ओकर चाँदनी न निकसी।

२५ अकास स तारे टूटइ लगिहीं,

अउर अकासे मैं बड़वार सक्ती झकाझोरि दीन्ह जइहीं।” ११

२६ “तब्बइ मनइयन मनई क पूत क महासक्ती अउर महिमा क संग बदरवन मैं निहरिही। २७ फिन उ आपन दूतन क पठइके चारहु दिसा मैं धरती क छोरे स दूसर छोरे तक सब कइती स आपन चुना भवा मनइयन क जमा करी।

२८ “अंजीर क बिरवा स उपदेस ल्या कि जबहिं ओकर टहनियन नरम अउर हरिअर होइ जात हीं तउ ओह पइ कोंपर फूटइ लागत हीं। तउ तू पचे जान लेत ह्या कि गर्मी क रितु आवइ क अहइ।  
 २९ अइसे ही जबहिं तू पचे इ सब कछू होत लख्या तउ समझ लिहा कि उ समइ नगिचे आइ ग अहइ, मुला ठीक स दरवज्जे प। ३० मई तोसे सच-सच कहत हउँ कि इ सब घटना इत मनइयन क जिअते जी होइहीं। ३१ धरती अउर अकास बरबाद होइ जइहीं लेकिन मोर बचन कबहुँ न टारे टरी।

३२ “उ दिन या उ घड़ी क बारे मैं कउनो कछू गियान नाही, न सरग क दूतन अउर न अबहिं मनई क पूत क, सिरिफ परमपिता जानत बाटइ।  
 ३३ होसियार! जागत रहा काहेकि तू नाही जनल्या कि उ समइया कब आइ जाई।

३४ “ई अइसे अहई कि जइसे कउनो मनई कउनो जात्रा प जात जात आपन नउकरन प आपन घरवा छोड़ि जाए अउर हर मनई क ओकर आपन आपन काम बाँटि दे अउर चौकीदार क हुकुम दइ जाए कि तू जागत रहा। ३५ एह बरे तू जागत रहा काहेकि घरे क मालिक न जानी कब आइ जाए। चाहे सांझ होई, की आधी रात की मुर्गन क बाँग क समइ की फिन दिन निकरि आवइ।  
 ३६ जदि उ अचानक आइ जा तउ अइसा करा कि जेसे उ तोहका सोवत न पावइ। ३७ जउन मई तोसे कहत हउँ, उहइ सबते कहत हउँ, ‘जानत रहा!’”

ईसू क हत्या क सड्यंत्र

(मत्ती २६ :१-५ ; लूका २२ :१-२ ;

यूहन्ना ११ :४५-५३)

१४ १ फसह क त्यौहार §§अउर वे खमीरे क रोटी क त्यौहार \*स दुइ दिन पहिले की बात अहइ कि मुख्ययाजकन अउर धरम सास्तिरियन कउनो अइसा कुचाल चलत रहेन कि जउने चलाकी स ओका गिरफतार कइ लेई अउर जान स मारि डवई। २ उ सबइ इ कहत रहेन, “मुला हम पचेन क त्यौहार क दिन अइसा नाही करइ चाही, नाही तउ मनइयन दंगा कइ लेइही।”

ईसू प इतर क उडेलव

(मत्ती २६ :६-१३ ; यूहन्ना १२ :१-८)

३ जब ईसू बैतनिय्याह मँ समौन कोढी क घरे खाना खाइके बइटा, तबहिं एक टु स्त्री उज्जर अउर चीकन स्फटिक मनि क वासन मँ सुद्ध बाल छड़े क इतर लइ आइ। उ स्त्री वासन को तोड़ेस अउर ओसे निकसत इतरे क ईसू क मुँडवा प उडरेस।

४ एसे हुवाँ कछू चेलन बिगड़ के आपुस मँ कहइ लागेन, “इतरे क अइसी बर्बाद काहे कीन्ह गइ अहइ? ५ इ इतर तउ तीन सउ दीनारे स जिआदा मँ बेंच जाइ सकत ह अउर फिन उ धने क कंगालन मँ बाँटि जाइ सकत रहा।” उ पचे उ स्त्री क निन्दा करेन।

६ तब ईसू कहेस, “काहे क ओका तंग करत ह? ओका छोड़ा। उ मोर बरे एक बढिया काज करेस ह। ७ काहेकि कंगालन तू हमेसा तोहरे लगे रइही अउर तउ तू जब चाहा ओनकइ मदद कइ सकत ह, मुला मई तोहरे साथे हमेसा न रहिउँ। ८ इ स्त्री उहइ किहस जउन उ कइ सकत रही। उ समइ स पहिले मोरे दफनावइ बरे, मोरे बदन पइ इतर छिरकि के ओका तइयार किहेस ह। ९ मई तोसे सच-सच कहत हउँ समुचे संसारे मँ जहाँ कहुँ भी इ सुसमाचार क परचार कीन्ह जाई, हुवई एँकरे यादे मँ जउन कछू इ स्त्री करेस ह, ओकर चर्चा होई।”

यहूदा क सौदा

(मत्ती २६ :१४-१६ ; लूका २२ :३-६)

१० तब यहूदा इस्करियोती, जउन एँकरे बारहु प्रेरितन मँ एक टु रहा, मुख्ययाजकन क नगिचे ईसू क धोखा दइ के पकड़वावइ बरे गवा। ११ उ पचे ओकर बतियन सुनिके बहोत खुस भएन अउर उ पचे ओका धन देइ क वादा करेन। एह बरे फिन यहूदा ईसू क

धोखा दइ क पकड़वाव क तलास मँ रहइ लाग।

फसह भोज

(मत्ती २६ :१७-२५ ; लूका २२ :७-१४,

२१-२३ ; यूहन्ना १३ :२१-३०)

१२ बे खमीरे क रोटी क त्यौहार स एक दिन पहिले, जब फसह मेमना क बलिदान दीन्ह जात रही। ओकरे चलन ओसे पूछेन, “तू का चाहत बाटचा कि हम पचे कहाँ जाइके तोहरे खइया बरे फसह क भोज तैयारी करी?”

१३ तब उ आपन दुइ टो चेलन क इ कहिके पटएस, “सहर मँ जा, जहाँ तोहका एक टु मनई पानी क गगरी धरे भेंटइ, तउ ओकरे पाछे होइ जा। १४ फिन जहाँ कहुँ भी उ भीतर जाइ, उ घरे क मालिक स कह्या, ‘शुरु पुछेस ह, भोजन क उ बैटका कहाँ बाटइ, जहाँ मई आपन चेलन क संग फसह क भोज खाइ सकउँ।’ १५ फिन उ तोहका ऊपर एक बड़का सजा भवा बैटका देखाई, हुवई हमरे बरे तैयारी करा।”

१६ तब ओकर चेलन हुवाँ स सहर क चेलन जहाँ उ पचे हर बात वइसी निहारेन जइसी ईसू ओनका बताएस। तबहिं उ पचे फसह क भोज तैयार करेन।

१७ दिन ओनवत क आपन बारहु प्रेरितन क संग ईसू हुवाँ पहुँच गवा। १८ जब उ पचे बइठके खइया के खात रहेन, तबहिं ईसू कहेस, “मई सच कहत हउँ, तोहरे मँ स एक टु जउन मोरे संग खइया क खात अहइ, उहइ मोका धोका दइके पकड़वाई।”

१९ एसे उ पचे दुखी होइ के एक दुसरे स कहइ लागेन, “सचमुच उ मई नाही हउँ।”

२० तब ईसू ओनसे कहेस, “उ बारहु मँ स उहइ एक बाटइ, जउन मोरे संग एकहि थारी मँ खात अहइ। २१ मनई क पूत क तउ जाइ क अहइ, जइसा कि ओकरे बारे मँ लिखा बाटइ। मुला उ

§§१४ :१ फसह क त्यौहार फसह क त्यौहार मनवाइ क पुरानी रीति क एक हींसा जेहमँ भेइ मेमनन क बलि परमेस्वर बरे चढ़ावत रहेन।

\*१४ :१ बे खमीर ... त्यौहार इ यहूदियन क बड़कवा त्यौहार बाटइ। इ दिन इ रोटी क साथ खास खइया क खात ही।



मनई क धिक्कार अहइ, जउन स मनई क पूत पकड़वावइ जाइ केतना नीक इ होत कि उ मनई पइदा न भवा होत।”

पभू क भोज

(मत्ती २६ :२६-३० ; लूका २२ :१५-२० ;  
१ कुरिन्थियन ११ :२३-२५)

२२ जब उ पचे खइया क खात रहेन, ईसू रोटी लिहस, धन्यवाद दिहस, रोटी क तोड़ेस अउर ओका उ पचन्क देत देत कहेस, “ल्या, इ मोर बदन अहइ।”

२३ फिन उ कटोरा क उठाएस, धन्यवाद दिहस अउर ओनका दिहस अउर उ सबन ओहमाँ स पियेन। २४ तबहिं ईसू बोल पड़ा, “इ मोर लहू (मउत) बाटइ जउन एक नवा करार क सुरुआत अहइ यह बहुतन क बरे बहावा जात अहइ। २५ मइ तू पचन स सच सच कहत हउँ कि मइ उ दिना तक दाखरस पिअब जब तलक परमेस्सर क राज्य मँ नवा दाखरस न पिअउँ।”

२६ तबहिं उ सब एक स्तुति गाना गाइके जैतून क पर्वत प गएन।

ईसू क सब चेलन ओका तजि देइही

(मत्ती २६ :३१-३५ ; लूका  
२२ :३१-३४ ; यूहन्ना १३ :३६-३८)

२७ ईसू ओनसे कहेस, “तोहार पचे क बिसवास खोइ जाइ। काहेकि लिखा बाटई :

‘मई गड़रियवा क मारब  
अउ भेड़न छिटकाइ जइहीं।’ †

२८ मुला फिन स जी उठे क पाछे मइ तोसे पहिले ही गलील चला जाब।”

२९ जब पतरस बोलि उठा, “चाहे सब मिला आपन बिसवास खोइ दें, मुला मइ न खोउब।”

३० एह पइ ईसू ओसे कहेस, “मइ तोसे सच कहत हउँ। आजू, इहइ राते मँ मुर्गा क दुइ बार बाँग देइ स पहिले तू तीन दाई मोका नकार चुका होब्या।”

३१ एह पइ पतरस अउर जोर देत भवा कहेस, “जदि मोका तोर संग मरइ पडइ तबहुँ मइ तोहका कबहुँ न नकारब।” तबहिं अउ बाकी चेलन भी अइसा ही कहेन।

ईसू क एकांत मँ पराथना

(मत्ती २६ :३६-४६ ; लूका २२ :३१-४६)

३२ फिन उ पचे एक अइसे ठउरे प आपन जेका गतसमनी कहा जात हरा। हुवाँ ईसू आपन चेलन स कहेस, “जब तलक मइ पराथना करत हउँ, तू पचे हियँइ बइटा।” ३३ अउर पतरस, याकूब अउर यूहन्ना क उ आपन संग लइ गवा। उ बहोतइ दुःखी अउर बियाकुल होत रहा। ३४ उ ओनसे कहेस, “मोर मन दुःखी बाटइ, जेसे मोर प्रान निकरि जइहीं। तू हियँई ठहरा अउर होसिआर रहा।”

३५ फिन रचिके अगवा बढि के उ धरती प निहुरि के पराथना करइ लाग कि जदि होइ सकइ तउ घड़ी मोसे टरि जाइ। ३६ फिन उ कहेस, “हे अब्बा परमपिता! तोहरे बरे सब कछू संभव अहइ। इ कटोरा क मोसे दूर करा। फिन जउन कछू मइ चाहत हउँ, उ नाही मुला जउन तू चाहत ह, उहइ करा।”

३७ फिन उ लौटा तउ आपन चेलन क सोवत भवा निहारि के पतरस स कहेस, “समौन क तू सोवत अहा? का तू एक घड़ी भी जाग नाही सक्या? ३८ जागत रहा अउर पराथना करा जेसे तू कउनो परिच्छा मँ न फँसा। आतिमा तउ चाहत ह मुला सरीर निर्बल अहइ।”

३९ उ फिन चला गवा अउर वइसे ही बचन बोलत बोलत उ पराथना किहेस। ४० जब उ दुबारा लौटा तउ उ फिन ओका सोवत पाएस। ओकरी आँखिन मँ नींद चाँपि रही। ओका कछू सूझत नाही रहा कि उ का जवाब देइ।

४१ उ तिसरी दाई फिन लौटा अउर ओसे बोला, “का तू अबहुँ अरामे स सोवत अहा? अच्छा, तउ सोवत रहा। उ घड़ी आइ गइ अहइ जब मनई क पूत धोखा स पकड़वाइ जाइ के पापी मनइयन क हथवा मँ दइ दीन्ह जात अहइ। ४२ खड़ा होइ जा! आवा चली। देखा, इ आवत अहइ, मोका धोखा दइ के पकड़वइया मनई।”

ईसू क गिरपतार कीन्ह जाब

(मत्ती २६ :४७-५६ ; लूका  
२२ :४७-५३ ; यूहन्ना १८ :३-१२)

४३ ईसू बोलत रहा कि ओकरे बारहु प्रेरितन मँ स एक यहूदा हुवाँ दिखाइ दिहस। ओकरे लगे लठियन अउर तरवारन क लिहे भीड़ रही, जेका

मुख्ययाजकन, धरम सास्त्रियन अउर बुजुर्ग यहूदी नेतन पटाएन रहेन।

४४ धोखा दइ के पकड़वइया ओनका ई इसारा बताइ के राखे रहा, “जेका मई चूम लेऊँ, उहइ उ अहइ। ओका हिरासत मँ लइ ल्या अउर पकड़ि के सुरच्छत स लइ जा।” ४५ तउ जइसे ही यहूदा हुआ आवा, उ ईसू क नगिचे जाइ के कहेस, “गुरु!” अउर ओका चूम लिहिस। ४६ फिन तुरंतहि उ पचे ओकर हाथ पकड़ि के हिरासते मँ लइ लिहन। ४७ ओकर चेला जउन नगिचे खड़ा रहा, आपन तरवार खीचेस अउर महायाजक क एक टु नउकरे प मारि दिहस, जेसे ओकर कान कट गवा।

४८ फिन ईसू ओनसे कहेस, “का मई कउनो अपराधी हूँ जेका पकड़इ तू सबइ लाठी अउर तरवार लइके आइ अहा?” ४९ रोज मन्दिर मँ उपदेस देत मई तोहरे साथे रहा मुला तू पचे मोका नाही पकड़या। अब इ भवा जेसे सास्तरन क बचन पूरा होइ जाइ।” ५० फिन ओकर सब चलन ओका अकेला तजि के पराइ गएन।

५१ आपन उघार देहे प केवल चदरिया लपेटि के एक टु नउजवान पाछे पाछे आवत रहा। उ पचे ओका पकड़इ चाहेन। ५२ मुला उ आपन चदरिया छोड़ि क नंगा पराइ गवा।

ईसू क पेसी

(मत्ती २६ :५७-६८ ; लूका २२ :५४-५५,  
६३-७१ ; यूहन्ना १८ :१३-१४, १९-२४)

५३ उ सबइ ईसू क महायाजक क नगिचे लइ गएन। फिन सबइ मुख्ययाजकन, बुजुर्ग यहूदी नेतन अउर धरम सास्त्रियन जमा भएन। ५४ पतरस ओसे दूरइ दूर रहत भवा ओकरे पाछे पाछे महायाजक क अंगना मँ भीतर तलक चला गवा अउर हुवाँ क पहेरेदारन क साथ बइठके आगी तापइ लाग।

५५ समूची यहूदी महासभा अउर मुख्ययाजकन ईसू क मउत की सजा देइ बरे ओकरे खिलाफत मँ प्रमान खोजइ क जतन करत रहेन मुला ढूँढ नाही पाएन। ५६ बहोतन ओकरे खिलाफत मँ झूठी साच्छी दिहन, मुला उ सबइ साच्छी आपुस मँ एक दूसर क खिलाफ रही।

५७ फिन कछु लोग खड़े भएन अउर ओकरे खिलाफ मँ झूठी साच्छी देत भए कहइ लागेन, ५८ “हम पचे एका इ कहत सुनेन ह, ‘मनइयन क

हथवा स बना भवा इ मन्दिर क मई ढहाइ देइहूँ अउर फिन तीन दिना क भीतर दूसर बनाइ देइहूँ, जउन हाथन स बना न होइ।” ५९ लेकिन इन सबन मँ ओ पचेन क साच्छियन एक नाई नाही रही।

६० तब ओनके समन्वा महायाजक टाइ होइके ईसू स पूछेस, “इ सब लोग, तोहरे खिलाफत मँ इ कउन साच्छियन देत बाटेन ? का जवाबे मँ तोहका कछु नाही कहइके ?” ६१ यह पइ ईसू चुप्पी साधेस। उ कउनो जबाब नाही दिहस।

महायाजक फिन ओसे पूछेस, “का तू धन्य (परमेस्सर) का पूत मसीह अहा ?”

६२ ईसू बोला, “हाँ, मई परमेस्सर क पूत हूँ। अउर तू सब मनई क पूत क उ सर्वसक्तिमान क दाई टाउँ बइठा अउर सरगे क बदरवन मँ आवत देखब्या।”

६३ महायाजक आपन ओढ़ना क फाइत भवा कहेस, “हमका अउ साच्छियन क अब का जरूरत अहइ ! ६४ तू इ सब बेज्जत बातन क कहत सुन्या, अब तोहार का विचार अहइ ?”

उ सबइ ओका अपराधी ठहराइके कहेन, “एँका मउत क सजा मिलइ चाही।” ६५ तब कछु मिला ओह पइ थुकत मुँहना क ढकत, घूँसा मारत अउर कछु ओकर हँसी दिल्लीगी करत कहइ लागेन, “भविस्सवाणी करा !” अउ फिर पहेरेदारन ओका पीटेन।

पतरस डेरान कि उ ईसू क जानत ह

(मत्ती २६ :६९-७५ ; लूका २२ :५६-६२ ;  
यूहन्ना १८ :१५-१८, २५-२७)

६६ पतरस अबहीं नीचे अँगने मँ बइठा रहा कि महायाजक क एक टु नउकरानी आइ। ६७ जबहि उ पतरस क आगी तापत देखेस तउ बड़े धियान स बोली, “तुहँ उ तउ ईसू नासरी क संग रह्या।”

६८ मुला पतरस मुकरि गवा अउर कहइ लाग, “मई नाही जानित या मोरी समझ मँ नहीं आवत अहइ कि तू का कहति अहा।” इ कहत उ ड्योढ़ी तक चला गवा। तबहि मुर्गा बाँग दिहस।<sup>३</sup>

६९ उ नउकरानी जब ओका दोबारा देखेस तउ हुवाँ खड़े मनइयन स फिन कहइ लाग, “इ मनई भौ ओनमाँ स एक अहइ।” ७० पतरस फिन मुकर गवा, अउ फिन थोड़ी देर मँ उहाँ खड़ेन्हे लोगन्ह पतरस स कहेन, “निस्चय ही तू ओनमे स एक अहा, काहेकि तोहू गलील का अहा।”

<sup>३</sup>१४ :६८ कछु यूनानी प्रतियन मँ यह भाग जोड़ी गइ अहइ : “तबहि मुर्गा बाँग दिहस।”

७१ तब पतरस आपन क धिक्कारइ अउर सपथ खाइ लाग। “जेकरे बारे मैं तू बात करत अहा, उ मनई क मई नाहीं जानित।”

७२ फउरन मुर्गा दूसर बाँग दिहस। पतरस क उहइ समइया उ सब्दन याद होइ आएन जउन ओहमाँ स ईसू कहे रहा, “एसे पहिले कि मुर्गा दुइ दाई बाँग देइ, तू मोका तीन दाई नकरब्या।” तब पतरस जइसे टूटि गवा होइ। वह फूट फूट कइ रोवइ लाग।

ईसू क पिलातूस क समन्वा पेसी

(मत्ती २७:१-२, ११-१४; लूका २३:१-५; यूहन्ना १८:२८-३८)

**१५** जइसे ही भिसार भवा, मुख्ययाजकन, धरम सास्तिरियन, बुजुर्ग यहूदी नेतन अउर समूची यहूदी महासभा एक ठु खाका बनाएन। उ पचे ईसू क बाँधिके लइ गएन अउर ओका पिलातूस क सौंप दिहेन।

२ पिलातूस ओसे पूछेस, “का तू यहूदियन क राजा अहा?”

ईसू जबाव दिहेस, “अइसा ही अहइ। तू खुदइ कहत अहा।”

३ फिन मुख्ययाजकन ओह पइ बहोत स दोख मदेस। ४ पिलातूस ओसे फिन पूछेस, “का तोहका जबाव नाहीं देइ क अहइ? देखा, उ पचे केतनी वातन क दोख तोह पइ लगावत अहइ।”

५ मुला ईसू अबहुँ कउनो जबाव नाहीं दिहस। एह पइ पिलातूस क बहोतइ अचरज भवा।

पिलातूस ईसू क छोड़ देइ मैं सफल नाहीं भवा

(मत्ती २७:१५-३१; लूका २३:१३-२५; यूहन्ना १८:३९-१९:१६)

६ फसह क त्यौहार क मउके प पिलातूस कउनो एक बंदी क जेका मनइयन चाहत रहेन, ओनका छोड़ देत रहा। ७ बरअब्बा नाउँ क एक बन्दी उ विद्रोह करवइयन क संग जेले मैं रहा जउन दंगा मैं कतल करेन।

८ मनइयन आएन अउर पिलातूस स कहइ लागेन कि उ जइसा हमेसा स करत आइ ह, वइसा ही करा। ९ पिलातूस ओनसे पूछेस, “का तू पचे चाहत बाट्या कि मई तोहरे बरे यहूदियन क राजा क अजाद कइ देउँ?” १० पिलातूस इ एह बरे कहेस कि उ जानत ह कि मुख्ययाजकन जलन क कारण ओका पकड़वाएन ह। ११ मुला मुख्ययाजकन भीड़े क हुसकाएन कि उ ओकरे बजाय ओनके बरे बरअब्बा क छोड़ि देइ।

१२ मुला पिलातूस ओनसे फिन पूछेस, “जेका तू यहूदियन क राजा कहत बाट्या ओकर मई का करउँ बतावा तू का चाहत बाट्या?”

१३ जबावे मैं उ पचे चिल्लानन, “ओका क्रूस प चढ़ावा।”

१४ जब पिलातूस ओसे पूछेस, “काहे, उ कउन अइसा अपराध किहेस ह?”

मुला उ पचे अउर जोर स चिचिआइके कहेन, “ओका क्रूस प चढ़ावा।”

१५ पिलातूस भीड़ क खुस करइ चाहत रहा, एह बरे उ ओनका बरे बरअब्बा क छोड़ेस अउर ईसू क कोड़वा स पिटवाइ क क्रूस पर चढ़ावइ के सौंप दिहस।

१६ फिन सिपाही ओका रोम क राजपाल क निवास मैं लइ गएन। उ पचे सिपाही क पूरी पलटन बोलाँइ लिहन। १७ फिन उ सबइ ईसू क बैगनी रंगे क ओढ़ना पहिराएन अरु काँटन क ताज बनाइ के ओकरे मुँडवा प धरेन। १८ फिन ओका सलामी देइ लागेन, “यहूदियन क राजा क सुआगत अहइ।” १९ उ सबइ ओकरे मुँडवा प नरकट स मारत जात रहेन। उ पचे ओह पइ थुकत जात रहेन अउर घुटनवन प निहुरिके ओकरे अगवा दण्डवत करत रहेन। २० इ तरह जब उ सबइ ओकर मसखरी उड़ाइ चुकेन तउ उ सबइ बैगनी ओढ़ना उतारेन अउर ओका आपन ओढ़ना पहिराइ दिहन अउर फिन ओका क्रूस प चढ़ावइ बरे, बाहेर लइ आएन।

ईसू क क्रूस पर चढ़ाव जाव

(मत्ती २७:३२-४४; लूका २३:२६-३९; यूहन्ना १९:१७-१९)

२१ उ पचेन क कुरेनी क रहवइया समौन नाउँ क एक मनई, राहे मैं भेटेस। उ गाउँ स आवत रहा। उ सिकन्दर अउर रूफुस क बाप रहा। सिपहियन ओह पइ दबाव डारेन कि ईसू क क्रूस उठाइ क चलइ। २२ फिन उ पचे ईसू क गुलगुता नाउँ क टाउँ प लइ गएन (जेकर अरथ अहइ “खोपड़ी टाउँ।”) २३ फिन उ पचे ओका लोहबान नाइ के दाखरस पिअइ क दिहेन। मुला उ ओका नाहीं लिहेस। २४ फिन ओका क्रूसे पइ चढ़ाइ दीन्ह गवा। ओकर ओढ़ना उ पचे बाँटि लिहेन अउर इ देखइ क बरे कि कउनो का लेइ, उ पचे पासा फेंकेन।

२५ दिना क नउ बजेन, जब उ पचे ओका क्रूस प चढ़ाएन। २६ ओकरे खिलाफ एक लिखा भवा मुकदमा क पत्तर ओह पइ लगावा रहा, “यहूदियन क राजा।” २७ ओकरे संग दुइ ठु टाकू भी क्रूस प

चढ़ाई गएन। एक ठु ओकरे दाई अउर दूसर वाई कइती। २८ ॥

२९ ओकरे लगे स निकरि के जात मनइयन ओका निन्दा करत रहेन। आपन मूँड़ी झमकाइ झमकाइ के उ पचे कहत रहेन, “अरे वाह। तू उहइ अहइ जउन मंदिर क दहाइ के तीन दिना मँ फिन बनावइवाला रहा। ३० अब कूरूस स तरखाले आइके अउर खुदइ आपन क तउ बचाव।”

३१ इ तरह मुख्ययाजकन अउर धरम सास्त्रियन भी ईसू क मसखरी उड़ाएन। उ पचे आपुस मँ कहइ लागेन, “इ अउरन क बचावत अहइ, मुला खुद आपन क नाही बचाइ सकत। ३२ अब इ मसीह अउर इस्राएल क राजा क कूरूस प स तरखाले उतरइ दे जेसे हम पचे इ देखि के ओहमाँ बिसवास करि सकी।” अउर उ दुइनउँ भी, जउन ओकरे साथ क्रसे प चढ़ाइ गवा रहेन, ओकर बेज्जती करेन।

### ईसू क मउत

(मत्ती २७ : ४५-५६ ; लूका

२३ : ४४-४९ ; यूहन्ना १९ : २८-३०)

३३ फिन समूची धरती पइ दुपहरे तक अँधियार छावा रहा। इ अँधियारा दोपहर तीन बजे तक रहा। ३४ दिना क तीन बजे ईसू ऊँची आवाज मँ चिल्लाइके कहेस, “इलोई, इलोई, लमा सबकतनी!” अरथ अहइ “मोरे परमेस्सर, मोरे परमेस्सर, तू मोका काहे विसारि दिहा ?” §

३५ जउन नगिचे टाड़ रहेन, ओनमाँ स कछू जब इ सुनेन तउ उ पचे बोलन, “सुना इ एलिय्याह क पुकारत अहइ।”

३६ तब एक मनई दौड़ि के सिरका मँ बोरि के एक ठु मोटा कपरा क भीजि के डंडा प धइ के ईसू क पिअइ बरे दिहस अउ कहेस, “ठहरि जा, हम पचे निहारत अही कि एँका नीचे उतारइ क बरे एलिय्याह आवत ह कि नाही।”

३७ फिन ईसू ऊँची आवाज मँ चिल्लाइके प्राण तजि दिहस।

३८ तबहिँ मंदिर क पट ऊपरि स तरखाले तक फाटिके दुइ टुकरन मँ बाँटि गवा। ३९ सेना क एक ठु अधिकारी जउन ईसू क समन्वा टाड़ रहा, ओका पूरान तजत देखेस। उ कहेस, “इ मनई असल मँ परमेस्सर क पूत रहा।”

४० कछू स्त्रियन हुवाँ दूर ते टाड़े भइ निहारत रही, जेहमाँ मरियम मगदलीनी, छोटका याकूब अउर योसेस क महतारी मरियम अउर सलोमि रही। ४१ जब ईसू गलील मँ रहा तउ इ स्त्रियन ओकर चलन रही जउन ओकर सेवा करत रही। हुवाँ अउर भी बहोत स स्त्रियन रही जउन ओकरे साथ यरूसलेम तक आइ रही।

### ईसू क दफनाइ जाव

(मत्ती २७ : ५७-६१ ; लूका

२३ : ५०-५६ ; यूहन्ना १९ : ३८-४२)

४२ सांझ होइ गइ अउर सबित क पहिले क, उ तैयारी क दिन रहा। ४३ एह बरे अरिमतिया क यूसुफ आइ। उ यहूदी महासभा क सम्मानित सदस्य रहा अउर परमेस्सर क राज्य आवइ क बाट जोहत रहा। हिम्मत क साथ उ पिलातुस क नगिचे गवा अउर ओसे ईसू क सरीर माँगस।

४४ पिलातुस क भारी अचरज भवा कि उ एँतनी हाली कइसे मरि गवा। उ सेना क अधिकारी क बोलाएस अउर ओसे पूछेस, का ओका मरे भए ढेर ढेर होइ ग अहइ? ४५ फिन जब उ सेना क अधिकारी स बयान सुनि लिहस तउ यूसुफ क सरीर दइ दिहस।

४६ फिन यूसुफ सने मलमल क थोड़ स कपरा बेसहेस, ईसू क कूरूस स तरखाले उतारेस, ओकरे सरीर क कपरा मँ लपेटेस अउर ओका कब्र मँ रख दिहस जेका चट्टाने क काटि क बनाव गवा रहा। अउर फिन कब्रे क मुँहे प एक बड़वार पाथर ढकेलिके टिकइ दिहस। ४७ मरियम मगदलीनी अउर योसेस क महतारी निहारत रही कि ईसू क कहाँ रखा ग अहइ।

### ईसू क फिन स जी जाव

(मत्ती २८ : १-८ ; लूका

२४ : १-१२ ; यूहन्ना २० : १-१०)

१ सवित क दिन बीत गए प मरियम मगदलीनी, सलोमी अउर याकूब क महतारी मरियम क सरीर पर लगावइ बरे सुगन्धि खरीदेस। २ हफता क पहिले दिन भिसारे सूरज निकरत ही उ पचे कब्र प गइन। ३ उ पचे आपुस मँ कहत रही, “हमरे बरे कब्र क दुआरे स कउन पथरवा क सरकाइ ?”

११५ : २८ कछू यूनानी प्रतियन मँ पद २८ जोड़ा गवा अहइ : “तब पवित्र सास्त्र कहत ह, उ डाकुअन क संग गना गेवा।

११५ : ३४ उद्धृत भजन. २२ : १

४ फिन जब उ पचे आँखियाँ खोलि के निहारेन कि उ बहोतइ बड़वार पाथर हुवाँ स टरि गवा अहइ। तब उ देखिन कि पाथर हुआँ स दूर लुढ़क गवा। ५ फिन जब उ पचे कबर क भीतर गइन तो निहारेन कि उज्जर कपरा पहिरे एक नउजवान दाहिन कईती बइठा अहइ। वे पचे डेराइ गइन।

६ फिन नउजवान ओनसे कहेस, “जिन डेरा, तु सबइ जउन नासरी क ईसू खोजति अहा, जेका क्रूस प चढ़ाइ गवा अहइ, उ जी उठा बाटइ। उ हियाँ नाही बाटइ। इ ठउर क लखा जहाँ उ पचे ओका धरेन ह। ७ अब तू जा अउर ओनके चलन क अउर पतरस स कहा, ‘उ तोसे पहिले गलील जात बाटइ। जइसा कि उ तोसे कहे रहा, उ तोहका हुवँइ मिली।”

८ तब डर अउर अचरजि मँ आइके उ पचे कबर स बाहेर निकरि के पराइ गइन। उ सबइ कउनो क कछू नाही बताएन काहेकि उ पचे बहोतइ घबराइ गइ रहिन।\*\*

कछू चलन क ईसू क दरसन

(मत्ती २८ :९-१०; यूहन्ना

२० :११-१८; लूका २४ :१३-३५)

९ हफ्ता क पहिले दिन भिसारे जी उठइ क पाछे उ सबन त पहिले मरियम मगदलीनी क समन्वा परगट भवा जेका उ सात दुस्ट आतिमन स छोड़वाएस। १० उ ईसू क संगिन जउन सोक मँ बूड़ा रहेन, खुबइ रोवत रहेन, जाइके बताएस। ११ जब उ पचे सुनेन कि ईसू जीवित अहइ अउर उ ओका देखेस ह तउ पचे बिसवास नाही किहेन।

१२ एँकरे पाछे ओनमाँ स दुइनउँ क समन्वा जब उ पचे खेतन मँ जात जात राहे मँ रहेन, एक टु दूसर रूप धइके परगट भवा। १३ उ पचे लौटि के दूसर चलन क भी एँकर खबर दिहन मुला उ सबइ ओकर बिसवास नाही किहेन।

प्रेरितन स ईसू क बातचीत

(मत्ती २८ :१६-२०; लूका २४ :३६-४९; यूहन्ना २० :१९-२३; प्रेरित क काम १ :६-८)

१४ पाछे, जब ओकर गियारह प्रेरितन खाना खात रहेन, उ ओनके समन्वा परगट भवा अउर उ ओनके बिसवास न करइ के अउर मनवा क जर होइ जाइ के डाटेस फटकोरेस काहेकि इ पचे ओकर बिसवास नाही किएन जउन ओका जी उठइ के बाद लखेन।

१५ फिन उ ओनसे कहेस, “जा अउर समूची दुनिया क मनइयन क सुसमाचार क उपदेस द्या। १६ जउन कउनो बिसवास करत ह अउर बपतिस्मा लेत ह, ओकर बचावा होई अउर जउन बिसवास न करी, उ दोखी माना जाइ। १७ जउन मोरे मँ बिसवास करिहीं, ओनमाँ इ चीन्हा होइहीं; उ मोरे नाउँ प दुस्ट आतिमन क बाहेर खदेरिहीं उ सबइ नई नई भाखा बोलिहीं। १८ उ पचेन आपन हाथन स सांपन क पकरि लेइहीं अउर जदि उ पचे बिख पी जइहीं तउ ओनका नेसकान न होई, उ पचे रोगिन्प आपन हाथ धरिहीं अउर उ पचे चंगा होइ जइहीं।”

ईसू क सरगे मँ लौटुँव

(लूका २४ :५०-५३; प्रेरितन क काम १ :९-११)

१९ इ तरह जब पभू ईसू ओनसे बात कइ चुकेस तउ ओका सरगे मँ उठा लीन्ह गवा। उ परमेस्सर क दाहिन कईती बइठ गवा। २० ओकर चलन बाहेर जाइके सब ठउरन मँ सुसमाचार दिहन कि ओनके संग पभू काम करत रहा। पभू बचन क अद्भुत कारजन करइ क सक्ति क संग लइके सच साबित किहेस।

\*\*१६ :८ मरकुस किताबे क कछू यूनानी प्रतियन मँ आठइ क पाछे गनती नाही बा।